

# WHO MAKES THE NEWS?


## GREENLAND

Naimah Hussain  
Ilisimatusarfik  
Juni 2021

Translation to kalaallisut: Tukummeq Møller-  
Steffens

---

### NATIONAL REPORT



## GMMP

Global Media  
Monitoring  
Project

# 2020



# GMMP

Global Media  
Monitoring  
Project

# 2020

## (Kalaallisut)



GMMP 2020 is licensed under creative commons using an Attribution-NonCommercial-NoDerivs.

GMMP 2020 is co-ordinated by the World Association for Christian Communication (WACC), an international NGO which promotes communication for social change,.



Data for GMMP 2020 were collected through the collective voluntary effort of hundreds of organizations including gender and media activists, grassroots communication groups, university researchers, students, mediaprofessionals, journalists associations, alternative media networks and faith groups.

Noncommercial. You may not use this work for commercial purposes.

No derivative Works. You may not alter, transform, or build upon this work.

For any use or distribution, you must make clear to others the license terms of this work. Your fair use and



# WACC

communication for all



other rights are in no way affected by the above

### *In Partnership with*



United Nations Entity for Gender Equality and the Empowerment of Women



United Nations  
Educational, Scientific and  
Cultural Organization







## Table of contents

Nunarsuaq tamakkerlugu pissutsit _____	1
Nuna tamakkerlugu pissutsit _____	3
KALAALLIT NUNAANNI ULLUT ILAANNI NUTAARSIASSAT _____	5
NUTAARSIASSANI SAMMINEQARTUT _____	14
NUTAARSIASSANI SAMMINEQARTUT TUSARFILLU _____	16
TUSAGASSIORTUT ILANNGUTASSIISARTULLU _____	20
COVID-19-IP NUTAARSIASSANUT SUNNIUTAI _____	23
EQIKKAANEQ INERNILIISSUTILLU _____	25
NALEQQIUSSAT _____	25
INNERSUUSSUTIT ILIUUSSISATULLU PILERSAARUT 2021–2025 _____	27
Ilanngussaq 1. Methodology _____	29
Ilanngussaq 2. Nakkutilleeqataasut _____	31

## Nunarsuaq tamakkerlugu pissutsit

- The Global Media Monitoring Project (GMMP – Nunarsuaq tamakkerlugu tusagassiuutini nakkutilliilluni suliniut) silarsuarmi tusagassiuutini suaassutsinik ilisimatusarluni misissueqqissaarnerit sivisunerpaartaralugulu annertunerpaartaraat. Misissueqqissaarnerq silarsuarmi tamarmi ullormit nutaarsiassaqaartitsiviusumit ‘nalinginnaasumit’ suaassutsit qanoq inissisimaneriniq paasiniaavigninnillatsiarfissatut naatsorsuussaavoq. Ullormi nutaarsiassaqaarfiusumi nalinginnaasumi eqqartorneqartut immikkut soqutiginaateqanngitsuusarput, allaaserisat politikkimut, aningaasaqarnermut, inuiaqatigiinni ajornartorsiutinut, pinerlunnermut ajornartorsiutinullu allanut tunngasarlutik.
- Nakkutilliilluni suliniuteqartarneq 1995-imi aallarnerneqarpoq namminneq piumassutsiminnit sulisut silarsuarmi tamarmi nunanit 71-ineersut nunaminni raadiukkut, tv-kkut nutaarsiassanilu naqitatigut arnat nutaarsiassaniittarnerannik nakkutilliimmata. Taamanimiilli ukiut tallimakkaarlugit tusagassiuutini nakkutilliisoqartalerpoq, tusagassiuutini suaassutsinik agguataarinerni allannguutiniq killiffissiuilluni sunniuteqartullu nutaat pillugit paasissutissanik katersuilluni.
- 1995-imi misissueqqissaarnermi paasineqarpoq nutaarsiassani sammeneqartut – inuit apersorneqartut inuilluunniit nutaarsiassani sammeneqartut – 17 procentinnaat arnaasut. Paasineqarpoq suaassutsini naligiissitaaneq ‘silarsuarmi sumiikkaluaraanniluunniit siunissami ungasinnerusumi’ aatsaat piviusunngorsinnaasoq. Nutaarsiassat arnanit saqqummiunneqakulanerulernikuupput, sulili qaqutiginnaq arnanut tunngasarput.<sup>1</sup>
- Arnat nutaarsiassaniinneranni allannguut arajutsisassaangitsoq siulleq 2005-imi nakkutilliilluni suliniuteqarnerup pingajussaaniq ingerlanneqarnerani maluginiarneqarpoq.<sup>2</sup> Arnat nutaarsiassaniittunit 21 procentiupput, tamannalu ukiumit 2000-imiit 2005 ilanngullugu procentpointinik pingasunik qaffiarneruvoq. Taamaakkaluartorli saqquminngingajattuarsinnarput arnat tusagassiuutini saqqummiunneqartut 10 procentinnaanni pingaarnersaasarmata, nutaarsiassani pingaarnerni sammeneqannginnerusarlutik peqataatinneqannginnerusarlutillu.
- 2015-imi GMMP-it tallimassaanni erseqqissivoq ullut nutaarsiassaqaartitsiviusut “nalinginnaasut” oqaatigiuminaattartoq qanoq issanersut siumullu pilersaarusiorneqarsinnaangitsut: naatsorsuutiginnisanik nutaarsiassani sammeneqarnerusunik pisoqartarpoq, assersuutigalugu 1995-imi Kobemi nuna sajuppoq, 2015-imi Germanwingsip timmisartua Frankrigip qaqqartaani ajutoorluni nakkarpoq.
- 2015-imi nunani 114-imi misissueqqissaarnermi qulaarneqarpoq nutaarsiassani sammeneqartuni suaassutsini naligiinngitsoqangaatsiartoq. Sunniuteqartartunut pingaarnernut tunngatillugu paasisanit erserpoq suaassutsini naligiissitaanermi siumukartoqarunnaarsimasoq; arnat aviisini, tv-kkut raadiukkullu nutaarsiassani inunnit tusaaneqartunit, allaaserineqartunit takuneqartunilluunniit tamanit 10 procentinnaapput, matumanilu kisitsisit 2010-mi sisamasaanik misissueqqissaarnermi kisitsisinut assingulluinnarput. Misissueqqissaarnerni pingasuni – 2005-imi, 2010-mi 2015-imilu ingerlanneqartuni – arnat nutaarsiassani

<sup>1</sup> *Global Media Monitoring Project, Women's participation in the news*. National Watch on Images of Women in the Media (MediaWatch) Inc. 1995

<sup>2</sup> Gallagher, Margaret. *Who makes the news? Global Media Monitoring Project*, 2005. World Association for Christian Communication.

tusagassiortutut peqataaserneranni allannguuteqartoqarneranik takussutissaqanngilaq; tusagassiuutini pingaarnerni saqqummiunneqartut 37 procentiinnaat arnanit tusagassiarineqarput.

- Tusagassiuutini pingaarnerni arnat takussaanginnerunerat nutaarsiassaqaqtitsivinnittaaq digitaliusuni GMMP-mut tunngatillugu nakkutilliinerni ilanngunneqartalersuni atuutilerpoq. Nittartakkani pingaarnernik nutaarsiassaqaqtitsiviusuni tusagassiuutinilu saqqummiunneqartuni inuttaasut 26 procentiinnaat arnaapput. Paasinarsivoq nutaarsiassani suaassutsikkut immikkoortitsinermut, suaassutsinut isiginnittaatsini illuinnaasiortunut pigiliutiinnakkanullu atatillugu imaannaangitsuusartut piffissap ingerlanerani nutaarsiassaqaqarfinnilu assigiinngitsuni iperaruminaassimasut.
- FN-imi generalsekretærimut tullersortaallunilu FN-imi arnanut immikkoortortami pisortaasoq Phumzile Mlambo-Ngcuka erseqqissaavoq tusagassiuutini arnanik saqqummiusseriaatsit “inuiaqatigiinni isiginnittaatsinut sunniuteqangaartartut suaassutsikkullu ileqquliutiinnakkanik sakkortusaasartut. Nunarsuup inuisa affaat arnaapput nivarsiaraallutillu. Taakku maligassatut, eqqugaasimasutuunngitsoq, ilanngutassiaralugit taakkua oqaluttuassaannik naligiimmik piffissaliinissaq pingaartitsinissarlu naleqartinneqanngippallaarpoq, taamaaliornermi tamatsinnut silarsuarmik inuuffigisatsinnik pitsaanerulersitseqataassagaluarami kiffaangissuseqarfiunerulersitseqataassagaluarlunilu.”<sup>3</sup>
- Ukiumi 2020-mi GMMP-mit nakkutilliinermi pisut suli immikkullaarinnerupput; 2019-ip naalerneraniit 2020-llu ingerlanerani silarsuaq coronavirusimik Covid-19-imik nappaalaffiuvoq. Misissueqqissaarnerit arfinilissaat tamanna silarsuaq tamakkerlugu ajunaarnersuaqarnerani – piffissami silarsuaq tamakkerlugu peqqissutsikkut ajornartoorfiusumi ajornartoornermullu ilagitillugu naligiinngitsoqarnerulerfiusumi – tusagassiuutini sammineqartuni suaassutsinut tunngasunik misissuilluarnissamut periarfissaqalersitsivoq.
- Nunani 116-ini GMMP-mi suliniuteqaqataasut aviisini allaaserineqartunik aamma raadiukkut tv-kkullu ilanngutassiarineqartunik 30.172-inik nakkutilliipput, nittartakkanilu nutaarsiassaqaqarfinni tusagassiuuteqarfinnilu katillugit 2.251-inik ingerlatitseqqiillutik. Nutaarsiassani sammineqartut tusarfiillu 58.499-it tusagassiortunit 28.595-init tusagassiarineqarlutillu saqqummiunneqarput. Nunat peqataasut 1995-imi nunani arfineq-pingasuni paasisutissat tunngaviusut siullerpaamik katersorneqarmatali 63 procentimik amerleriarsimapput. Nutaarsiassat nakkutigineqartut amerlassusii ukiut 25-t ingerlaneranni marloriaammik amerlisimapput 2015-imilu nakkutilliilluni suliniuteqartoqarmalli 8.000-it sinnerlugit amerleriaateqarsimallutik.

GMMP-t arfinilissaanni paasisat naapertorlugit siumukartoqarsimallunilu unittoortoqarsimallunilu kinguariatortoqarsimavoq. Akornutissaasinnaasut ilaat erseqqissumik nungukkiartortillugit tusagassiuutini suaassutsikkut naligiinnermut sunniuteqarsinnaasunik pingaarutilinnik iliuuseqarfiginnikkiartuaartoqarpoq. Ukiut tallimat kingulliit naligiinnerup tungaanut annikitsumik allanngoriartortoqarsimavoq, allanngoriartornerli ataatsimut isigalugu kigaattuarsinnarpoq.

---

<sup>3</sup> In *Who makes the news? The Global Media Monitoring Project report*, 2015

## **Nuna tamakkerlugu pissutsit**

Kalaallit Nunaat GMMP-mut siullermeerluni peqataavoq. Kalaallit Nunaanni suaassutsit tusagassiuutinut attaveqaatinullu tunngatillugu annikitsuinnarmik misissuivigeqqissaarneqarsimmata misissueqqissaarneq manna siunissami misissueqqissaarnissanut tunngavissatut isigineqarsinnaavoq. Nutaarsiassat amerlagisassaanngitsut nutaarsiassanik ataasiakkaanik 101-inik imallit nuna tamakkerlugu tusagassiuuteqarfinit Kalaallit Nunaanni innuttaasunut 56.400-t missaanniittunut nutaarsiassaqartitsartunit marluinnarnit anginngitsuneersuupput. Ullormili ataatsimi misissuinermi nutaarsiassat ikittuararsuupput – nunarsuaq tamakkerlugu nutaarsiassarparpassuarnut naleqqiutissagaanni. Taamaattumik angusat misissueqqissaarnermilu paasisat tamanna eqqaamallugu atuarneqartariaqarput, sulilu misissuinerusoqassatillugu misissugassat amerlanerusariaqarput eqqoqqissaarnerusunik paasisaqarumalluni, itisiliilluni misissueqqissaarumalluni periaatsinillu misissuimalluni.

Taamaakkaluartorli Kalaallit Nunaata GMMP-mi peqataanera naleqqiussinissamut iluaqutaalluassaaq, aamma Kalaallit Nunaanni qaqutiguinnaq oqallisigineqartartut pillugit oqallissaarutaalluassaaq. Suaassutsini naligiinneq silarsuaq tamakkerlugu sammisaaginnarnani aamma Kalaallit Nunaanni politikikkut soqutiginaateqarpoq, politikkimu akuusartuni tamani oqimaaqatigiittoqarnissaanik qulakkeerineq oqaaseqarsinnaasunik pitsaasumik saqqummiinerussammat. Neriunnarpoq 'kikkut nutaarsiassanik ingerlatitseqqisartuunerannik' misissuineq politikkimut atassuteqartuni suaassutsit akornanni ingerlaatsit pillugit paasisaqarfiussasoq. Kiisalu misissuineq aamma llisimatusarfimmi Tusagassiornermut immikkoortortami atuarsimasassatut atorneqarsinnaavoq, ilinniartut tusagassiornermik suliaqarusuttut eqqarsalersinniarlugit suaassutsinik saqqummiusseriaaseq suaassutsillu akornanni naligiinngissutaasinnaasut erseqqissarumallugit misissuiviginiarlugillu.



## EQIKKAANEQ

- Kalaallit Nunaat 2020-mi siullermeerluni GMMP-mut peqataavoq, suaassutsillu akornanni naligiissitaanermut tunngasunik aamma tusagassiuutini suaassutsinorpiq tunngasunik paasissutissat ikittuinnaapput
- Nutaarsiassat saqqummiunneqartut 101-it Kalaallit Nunaat tamakkerlugu tusagassiuuteqarfinneersut marluk nakkutilliivigineqarput: KNR-ip tusagassiuuteqarfii pingasut (raadiu, tv nittartagarlu) aamma Sermitsiaq.ag-p tusagassiuuteqarfii pingasut (aviisit marluk nittartagarlu).
- Tusarfiit 41 procentii arnaapput, kisitsillu tamanna nunani avannarlerni qaffasinnerpaavoq
- Tusarfiit arnat ingammik “oqaaseqartittakkatut” atorineqartarput
- Nutaarsiassa qarfinni pisortatut atorfillit angutaanerusarput
- Sammineqartunit toqqakkanit arfineq-pingasunit ullormi nakkutilliiviusumi sammineqartut pingaarnerit tassaapput “Ilisimatusarneq peqqissuserlu”, “Politikki naalakkersuisoqarnerlu” aamma “Aningaasaqarneq”
- Covid-19 sammineqarluarpoq naak ullormi nakkutilliiviusumi Kalaallit Nunaanni virusimik tunillatsissimasut amerlanngikkaluartut

## KALAALLIT NUNAANNI ULLUT ILAANNI NUTAARSIASSAT

Nutaarsiassanik soqutiginnittup ullaakkut iteraangami nunamilu najukkamini nutaarsiassarsioraangami, nittartakkat knr.gl aamma sermitsiaq.ag alakkarsinnaavai nutaarsiassallu kalaallisut danskisulluunniit atuarsinnaallugit. Nittartakkat taakku marluk ullaakkut nal. 6-ip 7-illu akornanni allaaserisamik ataatsimik ilallugit nutarterneqartarput, ullullu ingerlanerani arlaleriarluni nutarterisoqartarpoq.

Ullaakkut nal. 7-imiit KNR-imi raadiukkut nutaarsiassanik aallakaatitsilertarput, ullaaralaakkullu saqqummiunneqartartut tassaagajuttarput nutaarsiassaqartitsivinnersut ippassaammalluunniit pisimasut, tusagassiortut sulii suliarforsimasanngimmata. Ullormut raadiukkut aallakaatinneqartartut “pingaarnersaat” ullup-qeqqani minutsinik 15-inik sivisussuseqartarpoq, amerlanertigut Kalaallit Nunaanni politikikkut nutaarsiassat aallarniutigineqartarlutik, nunarsuaq tamakkerlugu nutaarsiassanik nukinginnarnerusunik pingaaruteqarnerusunik saqqummiussassaqaanngikkaangat. Ullup ingerlanerani knr.gl aamma sermitsiaq.ag nutaarsiassanik 10-12-inik saqqummiussisarput, ullullu ingerlanerani ualilluinnarnissaata tungaanut nittartakkat uniimisarput nutaarsiassakilliimisarlutillu. Nutaarsiassanilli tusarnaarlunilu alaatsinnattartoq maanna KNR-raadiumi unnukkut nal. 18 ilanngutassianik tusarnaarsinnaavoq nutaarsiassanilluunniit *Qanoroq*-kkut ulluinnarni tamani unnukkut nal. 19 aallakaatinneqartartunik isiginnaarluni. Saqqummiunneqartut ilaat KNR-imi ulluunerani raadiukkut nittartakkakullu saqqummiunneqareersunut assingusinnaapput. Immaqa aamma nutaarsiassanik tusarnaarlutillu alakkaasartut aviisit, *Sermitsiaq* imaluunniit *Atuagagdliutit* (tamarmik immikkut 2000-inngorlugit agguanneqartartut) sapaatip-akunneranut saqqummersartut qupperarsinnaavaat taamaalillutillu sapaatip-akunnerata ingerlanerani pisimasunik itisiliinernik sapaatip-akunneraniluunniit inummik kulturikkut malunnaatilimmik immikkut ilisaritsilluni allaaserisanik atuagaqarsinnaallutik.

Kalaallit Nunaata iluani nutaarsiassanittaaq tusarnaarnissamut atuarnissamullu allanik periarfissaqarpoq, ilaatigut KNR ullaakkut ualikkullu oqaluasaarfiusoq tusarnaarneqarsinnaalluni, imaluunniit *Nuuk Ugeavis*, atuagassiat illoqarfimmiluunniit najukkami nutaarsiassaqaarfii allat misissuataarneqarsinnaallutik. Taakkuli misissueqqissaarnermi periusissatut aalajangersakkanut naapertuuttumik GMMP-mi paasisanut ilanngunneqanngillat, taamaallaat nuna tamakkerlugu tusagassiuutit tamatumani ilanngunneqarmata.

### Ulloq nakkutilliivik, septembarip 29-at, 2020

Kalaallit Nunaanni Covid-19-imik tunillatsittut ikittuinnaapput Kalaallillu Nunaat tusagassiuutillu ataatsimut isigalugit nunarsuaq tamakkerlugu tunillaassuuttoqarneratigut kingunipilunnik misigisaqarujussuarnatik – ilaatigut soraarsitsiortuisoqarnatillu sipaarniuteqarfiunatik<sup>4</sup> – aniguisimapput. Taamaakkaluartorli Kalaallit Nunaanni 2020-mi septembarip 29-anni nutaarsiassaqaartitsivinni tusagassiuutinilu tamani sammineqartut Covid-19-imik nappaalanersuaqarneranut tunngapput. Saqqummiunneqartut Covid-19-imut tunngasut nutaarsiassaqaartitsivinnit nunani allaneersuunerupput, ilaatigut nunarsuaq tamakkerlugu nappaalanersuaqarneratigut toqusimasut amerlassusiinut, Koreami Kujallermi tamatumingga tunillatsissimanermut ersiutinik misissuinermi paasisanut kingullerpaanut Danmarkimilu<sup>5</sup> Covid-19-eqarneranut atatillugu killiffigisanut tunngallutik, aammali inunnt Kalaallit Nunaannut angalasanut nuna tamakkerlugu killilersuutinut tunngapput. Septembarip

<sup>4</sup> Covid-19 och de nordiska nyhetsmedierna 2021 <http://norden.diva-portal.org/smash/record.jsf?pid=diva2%3A1543808&dswid=-7016>

<sup>5</sup> Danmarkimi pisut Kalaallit Nunaanni innuttaasunut immikkut soqutiginaateqarput, ilaatigut nunasiaataasimaneq pissutigalugu, ilaatigullu tusagassiuuteqarfiit imminnut atassuteqartut (Hussain 2018) pissutigalugit, aammali Kalaallit Nunaanni Danmarkimilu peqqinnissaqarfiit qanimut suleqatigiimmata.

29-anni Kalaallit Nunaanni naalackersuisut inunnut Kalaallit Nunaannut angalasunut angerlarsimaannarnissamat tunngasunik nutaanik malittarisassiupput. Malittarisassiat taakku tusagassiortunik katersortitsinermi, nuna tamakkerlugu tv-kkut toqqaannartumik ullullu ingerlanerani nutaarsiassaqaqtitsivinni aallakaatinneqartumi, saqqummiunneqarput. Aammattaaq unnukut tv-kkut nutaarsiassani (*Qanoroq*) pingaarnersatut saqqummiunneqarput.

Aamma septembarip 29-at ullualunnik sioqqullugu Inatsisartut ukiaanerani katersuupput, Inatsisartunilu siulittaasoq ileqqusoq malillugu ammaanersiorluni oqalugiartuq. Tusagassiuteqarfinni tamani tamanna tamatumalu kingorna inatsisartuni oqallinnerit saqqummiunneqarput.

Aviisip sapaatip-akunneranut saqqummersartup *Sermitsiap* saqqaani saqqummiunneqarput ilaqutariit ilaqutaminnik innarluutilimmik ikiuniarsarisut. Innarluutillit immikkut sammeneqarput aviisini marlunni KNR-imilu Tilioq, peqatigiiffik innarluutillit pisinnaatitaaffinik pitsanngorsaaniissamik suliniuteqartoq, innarluutilinnut tunngatillugu nalunaarusiaminnik saqqummersitsisimammat. Borgmesteri unnukut nutaarsiassani tamatumunnga tunngatillugu apersoneqarpoq, aviisillu marluk taakku nalunaarusiaq pillugu allaaserisaqarput.

*Sermitsiaq* aamma politikkimik sulialinnik marlunnik saqqaaniititaqarpoq – (taamanikkut) aningaasaqarnermut aalisarnermullu naalackersuisuusut – taakkulu Kalaallit Nunaanni politikkimut tunngasunik apersorlugit. Aamma mittarfiit nutaat pillugit allaaserisaqarpoq, Kalaallit Nunaanni attaveqatigiinnermik aaqqissuusseqqiiniartoqarmat tamannalu ukiuni kingullerni tusagassiutini sammeneqartuulluni, aalisarneq, aatsitassarsiorneq il.il. pillugit Kalaallit Nunaata iluani nutaarsiassanut ilagitillugu.

Kalaallit Nunaanni aviisi sapaatip-akunneranut saqqummersartuq AG Kalaallit Nunaanni tusagassiuteqarfinni nikanarsaalluni tiingaffiginnittoqarnera pillugu saqqaani saqqummiunneqartumik allaaserisaqarpoq. Allaaserisami tusagassiortut peqatigiiffianni siulittaasoq (tusagassiortuq inuusuttoq arnaq) apersoneqarpoq, tusagassiortut peqatigiiffiat ilaasortaminnik apersuullutik annertunngitsumik misissuisitsisimammat suliffiminni nikanarsaalluni tiingaffiginnittoqarnera pillugu, paasisallu 'isumakulunnarnerarpei'. Allaaserisaq aviisip saqqaaniitinneqarpoq aviisillu iluanittaaq pingaarnertut inissisimatinneqarluni (qupp. 4–7).

SIK-mi, Kalaallit Nunaanni sulisartut kattuffiisa pingaarnersaanni, siulittaasoq siulittaasuunermini ukiunik 30-nngortorsiormat ilisaritillugu allaaserineqarpoq. Taannattaaq aviisip saqqaaniitinneqarpoq. Allaaserisat allat marluk saqqaaniitinneqarputtaaq, aappaa inunnut innarluutilinnut tunngatillugu ajornartorsiutinut tunngavoq, oqaaseqartartoq arnaasoq ilisaritinneqarluni, aappaalu nannut sumiiffinnut inulinnut qanillivallaartalernerannut tunngalluni. *Ataasiinnaq* pingaarnersatut saqqummiunneqarnani sammeneqartulli assigiinngisitaangaatsiartut aviisimi septembarip 29-anni saqqummiunneqarput.

## ATAQATIGIISSUT

### Tusagassiorfiit nunalu tamakkerlugu ataqatigiissagaanerat

Nuna tamakkerlugu tusagassiuuteqarfiit pingaernerit marluinnaammata raadioqarfiillu aviisillu ikimmata, Kalaallit Nunaanni tusagassiuuteqarnerup silarsuaa annertunngitsutut oqaatigineqartarpoq. Innuttaasulli 56.400-iinnaasut ullormut arlallit aqutigalugit nutaarsiassanik saqqummiussivigineqartarput, soorlu immikkoortumi “Kalaallit Nunaanni ullut ilaanni nutaarsiassat”-ni tamanna sammineqartoq. Taakku matuma ataani saqqummiunneqassapput. Siullermilli paasisutissanut tunngaviusut ilaat sammissavavut, suaassutsinut tunngasut Kalaallit Nunaanni pissutsinut atassuserumallugit.

### Naligiissitaaneq

Tusagassiuutiniq misissueqqissaarluni arnaassutsimik pingaartitsineq aallaavigalugu siornatigut ilisimatusarfigineqartuni pisinnaatitaaffinnik, angutit isummiutereersimasaannik, ‘arnanut tunngassuteqartunik’ taaneqartartunik il.il. (Dines og Humez 2015; Gill 2007) pingaartitsinngippallaarnermik kukkusumik saqqummiussisoqartarnera erseqqissarneqarsimavoq, Gaye Tuchmanip “assersuutaasumik suujunnaarsitsineq”<sup>6</sup> pillugu paasinnittaasia aallarniutigineqarluni. Taanna 1970-ikkunni ineriartortinneqarpoq, tusagassiuutini attaveqatigiinnermilu suaassutsinik misissuinngoriartarluni, kisitsisinik aallaaveqarluni itisiliinerullunilu assigiinngisitaartunik misissuivinnorluni (paasisaqarnerujumaguit takuuk Ross 2020). Innuttaaqatigiinni tusagassiuutinit sunnigaangaarfiusuniinneq oqaaseqarsinnaatitaaneq aqutigalugu inuttut malunnaateqartunngortoqarsinnaavoq, ataqqisaalersoqarsinnaavoq, sunniuteqarluartunngortoqarsinnaalluni pisinnaatitaaffeqarluartunngortoqarsinnaallunilu taamaallunilu innuttaaqatigiinni kulturikkullu allannguinnissamut periarfissaqalersitsilluni (Couldry 2010; Hjarvard 2016). Taamatuttaaq tusagassiuutini suaassutsit akornanni naligiinneq politikkit, aningaasaqarnermut inuiaqatigiinnilu inuunermut allatigut sunniuteqarsinnaapput inuiaqatigiinnullu tarrarsuutitullusooq isigineqarsinnaalluni (Djerf-Pierre og Edström 2020). Allatut oqaatigalugu, suaassutsit akornanni naligiissitaaneq inuit pisinnaatitaaffiitut tunngaannangilaq. Aammali tusagassiuuteqarfinni pingaaruteqarluinnarpoq – nutaarsiassani saqqummiussisartunut tunngatillugu oqimaaqatigiissoqarnissaa qulakkeerumagaanni, inuit tamaasa immikkut naapertuilluartumik, suaassutsinut isiginnittaatsikkut illuinnaasiortuunngitsumik kinaassusersuunngitsumillu saqqummiuttarlugit.

GMMP-mi siornatigut misissueqqissaarnernit allattaarlu misissueqqissaarnerinit erserpoq nunarsuaq tamakkerlugu naligiinngitsoqartoq ingammillu arnat ikinnerussutillillu ataatsimut isigalugit illuinnaasiortumik isiginnittaaseqarluni saqqummiunneqartartut. Tusagassiuutiniq naligiinnerusoqalernissaa qulakkeerniarlugu amerlassutsinik allaavigisassanilluunniit allanik oqallisiginninniarneq iluarineqanngissinnaasarpog allaallu tusagassiuutini kiffaanngissuseqarnermik innarliinertut saqqummiussassanilluunniit killilersuinertut isigineqarsinnaasarluni (Svensson og Edström 2014). Imaluunniit Andreassenip suleqataasalu (2019) allaatiginninnerattut – Sara Ahmedillu oqarneratut – “piumasaqaatit pillugit politikkitut” (Ahmed 2004) isigineqarsinnaasarpog, tusagassiuutit iluasaarnerat allanngortoqavinnissaanut aallarnisaataanani tassaanerulluni takussutissiaq tusagassiuuteqarfiit kikkut tamat takkuanni tusaamasaallualissutigisassaasat.

Kalaallit Nunaat nunarsuaq tamakkerlugu misissueqqissaarnermi suli

---

<sup>6</sup> Tuchmannip allaatiginninneratut oqariartaatsimi “assersuutaasumik suujunnaarsitsineq”-mi pineqarpoq tusagassiuutiniq tamanut annguttartuni arnat sumiginnarneqartartut imaluunniit illuinnaasiortumik isiginnittaaseqarluni ilisaritinneqartartut taamalu assersuutaasumik suujunnaarsillugit.

peqataasimanngimmat, ukiunut siuliinut naleqqiussisoqarsinnaanngilaq. Tusagassiutinik misissuinerni ersertarpoq paasissutissat ilaat eqqunngitsuusartut erseqqissarneqartarlunilu tamanut saqqumisumik assigiinngisitaartunik oqaaseqarsinnaasoqarnissaanik pisariaqartitsisoqartoq innuttaaqatigiinnik piujuaannartitsinissamik anguniagaq angujumallugu (Djerf-Pierre & Edström 2020).

Kalaallit Nunaat naligiissitaanissaq pillugu inatsiseqarpoq<sup>7</sup> suaassuseq apeqqutaatinnagu naligiinnik pisinnaatitaaffeqartoqarnissaanik qulakkeerutaasussamik; taamaakkaluartorli Kalaallit Nunaanni Danmarkimilu Inuit Pisinnaatitaaffii pillugit Siunnersuisoqatigiit 2019-imut nalunaarusiaminni maluginiarpaat tamatumunnga tunngatillugu Kalaallit Nunaanni inatsisit amigartut. FN-ip Inuit Pisinnaatitaaffii pillugit Ataatsimiititaliaani (OHCHR) suaassutsit tunngavigalugit Kalaallit Nunaanni arnanut nivarsiaqqanullu nakuuserneq eqqumaffiqeqarnerusariaqarnera erseqqissarneqarpoq, aammali uparuarneqarpoq kisitsisinut 2016-imeersunut naleqqiullugu politikimi tamanullu saqqumisumik inissisimaffeqarluni<sup>8</sup> inuunermi suaassutsit akornanni naligiissuseqarnerusooq, Danmarkimilu (amma Kalaallit Nunaanni) Inuit Pisinnaatitaaffii pillugit Siunnersuisoqatigiit arnat politikimiinnginnerunerat, aningaasarsiat nikinganerat suaassuserlu tunngavigalugu nakuusertarneq isumakuluutigaat<sup>9</sup>.

### **Paasissutissat naammangillat**

Kalaallit Nunaanni paasissutissat suaassutsinut atatillugu ajornartorsiutinut tunngasut pigineqartut ataatsimut isigalugit naammangillat, tamannalu pissutigalugu suaassutsinut tunngasunik naammattumik paasisaqarnissaq qaammarsaanissarlu imaannaanngilaq. Kalaallit Nunaat nunarsuaq tamakkerlugu suaassutsit akornanni naligiissusermik amma tusagassiutini/nutaarsiassani nalunaarsuinerni annertunerni ilaatigut Gender Gap Indeximi, The World Press Freedom Indeximi, Media Freedom Indeximi, Gender Inequality Indeximi (UNDP) il.il. nalinginnaasumik peqataatinneqarneq ajorpoq. Taamatutaaq amma suaassutsinik tusagassiutinillu misissueqqissaarnerit amerlanngillat.<sup>10</sup>

Aammali eqqaamassavarput naligiissitaaneq pillugu naatsorsueqqissaarnerit angutaasut arnaasullu saniatigut allanik suaassuseqartoqannginneranik paasinnittaatsimik tunngaveqarmata. Tamatumunngattaq tunngatillugu ilisimasat naammangillat, ilisimasaqarnerulernissarlu iluaqutaalluassagaluaqaaq tusagassiutini tamatumunnga tunngasunik saqqummeeriaaseq oqallisigineqartillugu. GMMP-mi suaassutsit angut/arnaq/alla atornerarput; taamaakkaluartorli suussuseq "alla" atuutilersikkuminaappoq paasissutissanik katersisut aqqit, isikkut nipillu il.il. kisiisa aallaavigisarmatigut. (Djerf-Pierre & Edström 2020). Taamaalilluni nutaarsiassanik pilersitsisut, tusagassiortut saqqummiussisartullu il.il. suaassusiat paasissutissanik katersisup naliliineraniinnaq tunngaveqartarpoq, inuup nammineq suaassutsiminik oqaasiinik tunngaveqarnani. Kingullermilli tunngaveqassappat itisiliinerulluni suleriaaseqarnissaq pisariaqarpoq, aammali taamatut suleriaaseqarneq paasissutissanik amerlanernik eqqornerusunillu pissarsinassaaq.

Paasissutissat naammanginnerat maluginiarneqarportaaq naligiissitaaneq pillugu Issittumi nalunaarusiami 2021-mi maajimi Issittumi Siunnersuisoqatigiit Islandimi siulittaasuutitaannit saqqummersinneqaaqqammersumi. Nalunaarusiami ajornartorsiutit nunasiartortoqarnermi ileqqunut suaassutsimik tunngavilinnut, angerlarsimaffeqanngitsuunermut suaassuserlu aallaavigalugu nakuusernermut allarpassuarnullu atassuteqartut sammineqarput. Nalunaarusiami inerniliunneqartut ilaat Kalaallit Nunaanni arnat ikinnerussuteqarnerannik

<sup>7</sup> Angutit arnallu naligiissitaanissaat pillugu Inatsisartut inatsisaat nr. 3, 29. novembari 2013-imeersooq.

<sup>8</sup> CEDAW "Concluding observations on the ninth periodic report of Denmark", March 2021.

<sup>9</sup> Inuit Pisinnaatitaaffiinut Instituti amma Inuit Pisinnaatitaaffiinut Kalaallit Nunaata Siunnersuisoqatigiivi "Naligiissitaaneq – Kalaallit Nunaanni killiffik 2019"

<sup>10</sup> The Danish Institute for Human Rights/Human Rights Council Greenland, 2021, Asii Chemnitz Narup "Fælles indsats for viden om køn og erhverv er nødvendig" 8.3.2021 <https://sermitsiaq.ag/node/227803>


takutitsiniarluni siornatigut suliarineqarsimasunut eqqaanarput. Nalunaarusiami erserpoq angutit 111-ugaangata arnat 100-usartut, taamalu suaassutsit akornanni naligiinngitsoqarluni:<sup>11</sup>

“Suaassutsit akornanni naligiinngitsoqarneranut ilaatigut pissutaavoq arnat angutitut naleqqiullugit allamut nunasiartortarnerunerat, aammali angutit Kalaallit Nunaannut nunasisartut amerlanerusarnerat”.<sup>12</sup>

“Aammattaaq arnat aningaasatigut innuttaaqatigiinnikkullu pisinnaassusillit kulturikkullu qaffasissumik inissisimaffillit nuuttarput angusaqarluarusuk-kamik, meeqqiorusukkamik inuttullu kiffaanngissuseqarusukkamik (ullutsinni suaassutsini naligiinnissamik pingaartitsineq naapertorlugu), tamakkulu illoqarfimmi najukkami angujuminaassinnaapput. Taamaalillutillu arnat angutillu nunanut allanut naleqqussarnerup tungaanut ingerlavigisaat assigiinngissinnaapput.”<sup>13</sup>

Tamanna ilutigalugu arnat kalaallit amerliartuinnartut qaffasinnerusumik ilinniagaqartarput, Kalaallit Nunaanni aammali Danmarkimi universitetini. Issittumi nalunaarusiami kisitsisit nalinginnaasumik tamatumingga ersersitsipput – matumanilu eqqaamassavarput angutaasut arnaasullu saniatigut allanik suaassuseqartoqannginneranik paasinnittaatsip killeqartitsinera.

Women and men undertaking bachelor's or master's degree in Greenland or Denmark, 2013-2019



Kalaallit Nunaanni naligiissitaaneq siornatigut nalunaarusiarineqarsimasuni ikittuni apeqquuserneqartarsimavoq. Assersuutigalugu sulisorineqartartut pillugit naalakkersuisut 2011-mi misissuisitsipput. Ilaqutariinnut, Kultureqarnermut, Ilageeqarnermut Naligiissitaanermullu Naalakkersuisoqarfik pisortat ingerlatsiviinit namminersorlutillu ingerlatsisunit 49-nit paasissutissanik arnallu siulersuisuni siunnersuisoqatigiinnilu ilaasortaasut il.il. pillugit naatsorsoqqissaakkanik 2011-mi katersuivoq, suliqaqarfinni taakkunani suaassutsit sorliit amerlanerussuteqartarnerat misissuiviginissaa siunertaralugu. Nalunaarusiami inerniliissutigineqarpoq pitsanngorsaasoqartariaqartoq – taamanikkut – suliassaqaqarfinni assigiinngitsuni angutit amerlanerussuteqarmata. Allannguisoqarsimagaluartoq ukiut qulit tamatuma kingorna SDG-mik nalunaarusiami 2021-meersumi suliffeqaarfiit suaassutsit tunngavigalugit immikkoortitsiviusutut pingaarnertut

<sup>11</sup> Pan-Arctic Report, Gender Equality in the Arctic, Phase 3. Published by Iceland's Arctic Council Chairmanship and the Arctic Council Sustainable Development Working Group, with the Icelandic Arctic Cooperation Network, the Icelandic Directorate for Equality, and the Stefansson Arctic Institute. April 2021.

<sup>12</sup> Pan-Arctic Report, Gender Equality in the Arctic 2021: 178

<sup>13</sup> Pan-Arctic Report, Gender Equality in the Arctic 2021: 179

eqqaaneqarput;<sup>14</sup> tamannattaq Helene Pristed Nielsenip arnat ikinnerussuteqarnerat pillugu Kujataanilu arnat akornanni immikkoortitsineq pillugu suliaani (Pristed Nielsen 2021) 2021-meersumi eqqaaneqarpoq. Aamma nunani avannarlerni suliffeqarfiit suaiaassutsikkut immikkoortitsiviusut nunani avannarlerni akissarsiat naligiinnginnerannut nassuiaataasinnaasutut isigineqarput.<sup>15</sup>

Mette Apollo Rasmussen arnat (Nuummi) pisortatut atorfillit pillugit misissuisimavoq, apersugaasalu ilaasa eqqaasimavaat naligiissitaanermik suliffimmi oqallisiginninnissaq sapernartinneqartartoq allaallu paqumigineqartartoq (Rasmussen 2022). Suaiaassutsinut tunngasut paqumigineqalernerat aamma Naligiissitaanissamat Siunnersuisoqatigiinni siulittaasumit arlaleriarluni uparuarneqarpoq, ilaatigut 2021-mi marsip 8-anni pisut nalaanni.

### **Suaiaassutsikkut kiffaanngissuseqarnermik eqqarsartaaseq**

Suaiaassutsit akornanni naligiinngitsoqarneranut nassuiaataasinnaasut ilaat tassaavoq inuiaqatigiit imminnut naligiissuseqarluinnarsorigunik naligiinnginneq ajornartorsiutitut iliuseqarfigineqartariaqartutut isiginaviangikkaat (Utoft 2020). Sustainable Development Goals-imili (SDG) anguniagarineqartut eqqarsaatigalugit suliffeqarfiit Kalaallit Nunaanniittut arlallit Namminersorlutillu Oqartussat suaiaassutsini naligiinngissuseq iliuseqarfiginiarsaraat, inuiaqatigiinni qanoq ineriartorluartigisoqarsimaneranut uuttuutitullusooq isigalugu. Taamatuttaarlu marsip 8-at ukiut tamaasa immikkut malunnartinneqartarpoq. Nassuiaataasinnaasoq alla tassaavoq Kalaallit Nunaanni angutaasut arnaasullu saniatigut allanik suaiaassuseqartoqarneranik paasinnittaaseqartoqarnera. *Pan-Arctic Report*-imi (2021) suaiaassutsikkut kiffaanngissuseqarnermik eqqarsartaaseqarneq ukunani maluginiarneqarpoq:

“Nunasiaanerup nalaani ataataanerpaanik pingaartitsineq kristumiuussutsimilu angutitut arnanullu ileqqussatut naleqquttutut paasinnittaaseqarneq nunasiaatinngortitsinermut ilagitillugit siuarsarneqarput. Taakku Kalaallit Nunaanni suaiaassutsit akornanni ileqqorineqartunit, suaiaassutsit akornanni eqqarsartaatsimik allaanerusemik suaiaassutsikkut kiffaanngissuseqarnermit sunnigaakannersumit, allaanerulluinnarput (Arnfred og Pedersen 2015).”

“[Suaasatta] silarsuaanni inuit ataasiakkaat suaiaassutsinit sunnigaavallaarnatik naligiissutsimit inuttullu naleqassutsimit sunnigaanerupput (Arnfred & Pedersen, 2015). Tamatuma kinguneranik suaiaassutsinut isiginnittaaserineqartoq eqarnanilu killeqaqqissaanngilaq, angutaassutsillu arnaassutsillu akuleriinnerannik akuersaartoqarluni (Williamson, 2006). Kingornalu nunani killerni eqqarsartaaserineqartoq eqqarsartaaserineqaleriartorpoq, ullutsinnilu Kalaallit Nunaanni naligiissitaanermi ajornartorsiutaanerpaaq tassaavoq suaiaassuseq aallaavigalugu nakuusertarneq”.<sup>16</sup>

Suaiaassutsikkut kiffaanngissuseqarnermik eqqarsartaaseq professorip Karla Jessen Williamsonip inuit qangaaniilli naligiissutsimut najoqqutarisaat nunat killiit suaiaassutsinut isiginnittaasiannit, angutit arnallu naligiinnginneranik tunngaveqartumit, allaanerulluinnartoq suliamini (Williamson 2011) erseqqissarpaa. Eqqarsaallu tamanna 2015-imi Arnfredimit Pedersenimillu ineriartortinneqarpoq, Inuit epistemologianni angutini/arnanik qullersaqqannginnera allaatigalugu (Arnfred og Pedersen 2015). Jessen Williamsonip nalunaarusiaminik *Gender in the Arctic*-imik saqqummiussinermi nassuiarpaa angutaasoqarlunilu arnaasoqarneranik – angutit arnanit pissaaneqarnerunerannik – paasinnittaaseqarneq nunasiaataanerup sunniutaasigut misigisimallugu. Meerannguunermiilli oqaluttuartartunik tusarnaartarnermigut paasisimavaa angutit arnallu naligiittut.

<sup>14</sup> Naalakkarsuisut Nungusaataannigsumik ineriartortitsinermut nunarsuarmioqatigiit anguniagaannik misissuinerat 2021.

<sup>15</sup> Nunat Avannarliit Ministeriisa Siunnersuisoqatigiiffiat 2021 “Nordic Gender Equality in Figures 2021”: 30

<sup>16</sup> Pan-Arctic Report, Gender Equality in the Arctic 2021: 178

Williamsonip misilittakkani aallaavigalugit suliani aqputigalugit nunasiaataasimanerup kingorna naligiissitaaneq qanoq ersersinneqartarnersoq, inuullu ineriartorneranik ilisimatusaammi *Inherit My Heaven: Kalaallit Gender Relations*-imi (Williamson 2011) Inuit suaassutsit akornanni naligiissuseq pillugu qanoq qisuariarnersut eqqarsaatersornersullu paasiniaavigai. Williamson angutaasoqarneranik arnaasoqarneranillu paasinnittaaseqarnerup suaassutsillu akornanni naligiissutsimik oqaluttuarsiat eqqarsartaatsillu imminnut atassuserneqarsinnaanerannut tunngavilersuivoq. Nalunaarusiaq manna suaassutsikkut kiffaanngissuseqarnermik eqqarsartaatsimik oqallisiginninnissamut tunngavissaanngilaq; taamaakkaluartorli suaassutsinut isiginnittaatsinik assigiinngitsunik misissuivigineqarnerusariaqartunik erseqqissaataavoq.

### **Politikkip silarsuaani pissutsit**

Suaassutsit akornanni assigiinngissutinik qimerluueriaaseq alla tassaavoq inuiaqatigiinni politikikkut sunniuteqarsinnaassuseq misissuivigalugu – World Economic Forum isumassarsiffigissagaanni. The Global Gender Gap Index arnat naalackersuisuniittut amerlassusiinik, arnat ministeritut atorfillit amerlassusiinik arnallu/angutillu naalagaaffimmi qullersaasut tamarmik immikkut amerlassusiinik naatsorsuisarpoq<sup>17</sup>.

2019-imi naalackersuisunut ilaasortaasut 22 procentii arnaapput, inatsisartuniittut amerlanerulaarput 39 procentii arnaammata kommunalbestyrelsiniittullu 34 procentiullutik<sup>18</sup>. Ukiut marluk matuma siorna pissutsinut naleqqiussissagaanni, massakkorpiaq (2021) naalackersuisunut inatsisartunullu ilaasortaasut borgmesterillu suaassutsikkut naligiissuseqarnerupput. Ministeritut atorfinnit qulinit arfinillit angutinik inuttalernerqarsimapput sisamallu arnanit inuttalernerqarsimallutik. Tamanna naligiinngissutitut isikkoqarsinnaavoq, naalackersuisoqatigiinnulli piusimasunut siuliinullu naleqqiussilluni arnat ilaasortaasartut amerliartorput. Tamanna allanngoriartortoqalerneranarut takussutissaanerpa? Naalackersuisunngortinneqaqqammarsunik ilisaritisinermut tunngatillugu partiimi illuatungiliuttumi *Naleqqami* siulittaasup nalunaarutigaa arnamik ministerinngortitsiniarlutik, iluminni ilaasortassatut qinigaasimasut angutaannaammata. Allatut oqaatigalugu, suaassutsit akornanni naligiissuseqarusunneq oqallisigineqarpoq, erseqqissumik<sup>19</sup>.

Inatsisartunut ilaasortaasunut tunngatillugu, Inatsisartunut ilaasortaasunit 31-usunit arnat 13-iupput angutitaat 18-iusut. Nunat Avannarliit Ministeriisa Siunnersuisoqatigiivi nalunaarusiamik “Nordic Gender Equality in Figures 2021”-mik saqqummersitsipput nunat avannarliit assigiinngitsut inatsisartuinut ilaasortassatut qinigaasut akornanni suaassutsikkut naligiissusermik naleqqiussiviusumik. Takussutissiami matuma ataatungaaniittumi takunerqarsinnaasutut Kalaallit Nunaat inatsisartuni atorfinnut tunngatillugu suaassutsit akornanni naligiissuseqarfiunerpaavoq.


---

<sup>17</sup> Indeksimiipputtaaq allat pillugit kisitsisit, ilaatigut ukununnga tunngasut: inuussutissarsiornermi pisortatullu sulisunut, peqqissutsumut, ilaqutariinnik isumaginninnermut, ilinniartitaanermut, isertitanut il.il.

<sup>18</sup> Naalackersuisut Nungusaataanngitsumik ineriartortitsinermut nunarsuarmioqatigiit anguniagaannik misissuinerat 2021.

<sup>19</sup> knr.gl 20.4.21: “Hans Enoksen: Arnat amerlanerusut sunniuteqalernissaat qulakkeerusupparput”.





Nunani assigiinngitsuni inatsisartunut qinigaasut suaassutsikkut agguataarnerat *Takussutissiaq manna Nunat Avannarliit Ministeriisa Siunnersuisoqatigiivineersuuvoq 2021 "Nordic Gender Equality in Figures 2021" qupp. 36*

Kalaallit Nunaanni kommunini borgmesterit tallimaapput, taakkunangalu pingasut arnaapput; kommunalbestyrelsilli qiviarutsigit taakku pitsanngorsaavigineqarsinnaalluaput. Kisitsipallannernit erserpoq bestyrelsinut ilaasortaasut (borgmesterit ilanngullugit) angutitaat 49-usut, arnartaat 29-iinnaasut.

Kalaallit Nunaat 2009-mi namminersulermalli 1979-milu namminersornerulermalli arnaq ataasiinnaq naalagaaffimmi qullersaasutut atorfeqarsimavoq.

Kisitsisinit taakkunanga erserpoq politikikkut akuunerusoqarnissaa pingartinneqarnerusariaqartoq, soorluttaaq tamanna SDG-mik nalunaarusiami Namminersorlutik Oqartussaneersumi tamanna uparuarneqartoq. Nalunaarusiamilu tamatumani maluginiarneqarpoq suaassutsit akornanni naligiissumik akuusoqartarnissaata qanoq qulakkeerneqartarnissaa apeqqusiivigineqartariaqartoq.

### Tusagassiutini suaassutsit akornanni pissutsinik misissueqqissaarneq

Tusagassiutini suaassutsit akornanni naligiinneq arnallu saqqumissusiat Kalaallit Nunaanni suli misissuivigineqarluarsimangitsut ilagaat. 2018-imi Ilisimatusarfik misissueqqissaarnissamut aallarniutitut nutaarsiassat imarisaannik misissuisitsivoq, paasineqarporlu sapaatip-akunnerata ilivitsup ingerlanerani nuna tamakkerlugu tusagassiutini tusarfiit 34 procentii arnaasut. 'Niuertutut' taaneqarsinnaasut 19 procentiinnaat arnaapput (Ravn-Højgaard allallu 2018), tamannalu nalunaarusiami eqqaariikkatsinni isummiunneqartunut naapertuuppoq, tassani eqqaaneqarami arnat namminersorluni ingerlatsivinni siulersuisunilu ikinnerussuteqartartut (IKINN 2011). Taamanimiilli arnat siulersuisuni qullersaqarfinnilu siuttuusunut ilaasartut amerlanerulersimapput. Soqutiginnassagaluqaq suaassutsit akornanni agguataarinernik sivisunerusumik misissueqqissaartoqassagaluarpas, paasisat sivisunerusumik atuunnersut ukialuilluunniit ingerlaneranni atuukkallarnersut paasinianeqarluni.

### Tusagassiutininik nakkutilliineq tigulaariffiginninnermullu tungaviusut

Nutaarsiassaqaarfiit tamaasa misissuiffigaavut. Kalaallit Nunaanni aviisit sapaatip-akunneranut saqqummertartut marluinnaapput: AG pingasunngornikkut saqqummertarpoq *Sermitsiarlu* tallimangornikkut. Septembarip 29-anni – marlunngornerusumi – aviisit

saqqummersut kingullit taakku marluk misissuiffigaavut, aviisit taakku ullormi tamatumani tamanit atuarneqarsinnaammata, naak ullualuit sioqqullugit saqqummersinneqarsimagaluartut. Aviisit taakku ilanngullugit misissuivigisimanngitsuugutsigit Kalaallit Nunaanni nutaarsiassaqaqarfinni pissutsit atuuttut eqqorluannigsumik saqqummiunneqarsimassagaluarput, aviisit taakku internetikkut iml raadiukkut/tv-kkut nutaarsiassaninngarnit misissuilluareerluni itisiliinerullunilu saqqummersinneqartarmata.

Tusagassiuutit taakku marluk saqqummiunneqartarput pingasut uku aqqutigalugit:

**Sermitsiaq.ag ukuninga saqqummersitsisarpoq<sup>20</sup>:**

1. Aviisi AG oqaatsit marluk atorlugit sapaatit-akunneri tamaasa pingasunngornikkut saqqummersartoq
2. Aviisi Sermitsiaq oqaatsit marluk atorlugit sapaatit-akunneri tamaasa tallimannngornikkut saqqummersartoq
3. Sermitsiap AG-llu nittartagaat [www.sermitsiaq.ag](http://www.sermitsiaq.ag) ullormut 10-12 missaanniittunik nutaarsiassaqaqartartoq nutaarsiassaqaqartitsivinnit taakkunanga marlunnit allanneqartartunik

**Kalaallit Nunaata Radioa (KNR) ukuninga saqqummersitsisarpoq<sup>21</sup>:**

1. Internetikkut nutaarsiassaqaqartitsivik [www.knr.gl](http://www.knr.gl) ullormut 10-12 missaanniittunik nutaarsiassaqaqartartoq
2. TV-kkut nutaarsiassaqaqartitsivik *Qanoroq* ulluinnarni nal. 19 aallakaatinneqartartoq<sup>22</sup>
3. KNR raadiukkut nutaarsiassaqaqartitsisarpoq nal. 7, nal. 8, nal. 9, nal. 12, nal. 14, nal. 16 aamma nal. 18<sup>23</sup>

Kalaallit Nunaat Danmarkip naalagaaffianut ilaammat, danskisut oqaatsit (nunasiaatillit oqaasii) atorneqangaatsiartarnerat ileqquuvoq. Sulilu ullumikkut nutaarsiassani tamani oqaatsit marluk atorneqartarput, innuttaasut 15 procentii danskisut oqaasiliusut ikinnerussuteqartut sullinniarlugit (Frederiksen aamma Olsen 2017). Tamatuma kinguneranik nutaarsiassat internetikkut, raadiukkut aviisitigullu saqqummiunneqartut tamarmik marloriarlutik saqqummiunneqartarput (tv-kkut danskisut allagartalersuilluni). Aalajangersimavugut nutaarsiassaqaq ataaseq paasissutissanik katersivittut marluttut ingerlateqqinniarnagu, paasissutissat katersuivigineqartut amerlanerorpasilissammata – tusagaqarfiilli paasissutissarsiffiillu tamaasa ilannguppavut. Taamaattumik ilaannikkut nutaarsiassanik saqqummiussisut imaluunniit tusagassiortut ilaannikkut marluusarput, aappaa kalaallisut aappaalu danskisut saqqummiussisimasarmat.

---

<sup>20</sup> Sermitsiaq.ag aamma atuagassianik allanik / Nuummi aviisimik saqqummersitsisarpoq, taakkuli tigulaariffiginngilavut GMMP-mit nuna tamakkerlugu nutaarsiassat qitiutinneqarmata.

<sup>21</sup> KNR allarpasuarnik aamma aallakaatitsisarpoq tigulaariffiqeqanngitsunik, eqqaaneqartut taamaallaat nutaarsiassaqaqarfiummata.

<sup>22</sup> Unnukkut kingusinnerusukkat danskisut allagartalersugaq aallakaatinneqartarpoq sapaatillu-akunnerata naanerani sapaatip-akunnerata ingerlanerani pisimasunik eqikkaasoqartarluni.

<sup>23</sup> Nalunaaquttap-akunneri tamaasa marloriarluni aallakaatitsisoqartarpoq, siullermik kalaallisut kingornalu danskisut. Aallakaatitsinerit amerlanertigut assigeeqqissaartarput; kalaallisulli aallakaatitsinerit sivistisunerusarput (kalaallisut oqaaseqatigiit sannaat takinerummata), taamaattumillu danskisut aallakaatitsineri amerlanerulaartunik ilanngutassiinissamut periarfissaqartarpoq. Ilassutitut ilanngutassiarineqartartut nutaarsiassaqaqartitsivinnit Kalaallit Nunaata avataaneersuneernerusarput. Ullormi nakkutilliiviusumi ilanngutassiarineqartut tamaasa paasissutissanik katersuivigaavut, ilanngutassiarineqartut assigiit marluk marluttut 'katersornagit' (danskisut kalaallisullu), taamaalioraluarutta tusarfiit, sammineqartut il.il. nutaarsiassaqaqartitsivinni allannittaqaq eqqaaneqarsimarpasissammata taamalu amerlanerorpasilissallutik.

Siullermeerluni misissueqqissaarnermi nutaarsiassat (nutaarsiassat 101-it) tusarfiillu 137-it amerlanngimmata sukumiisumik paasiniaaqqissaarnissamut pissutsinillu misissuinissamut periarfissaqanngilaq. Taamaattumik sammineqartut pingaarnerit taamaallaat nalunaarusiami matumani misissuivigisassatut atornerqarput, ajornanngikkaangallu kisitsisit nunani avannarlerni, Europamilu nunarsuarmiluunniit tamarmi atuuttutut allanneqartarput.

#### Nutaarsiassat 101-it ukuupput:

- Naqitikkani 44-t (*Sermitsiaq* aamma *Atuagagdliutit*)
- Raadiukkut nutaarsiassat 26-t (KNR)
- TV-kkut arfineq-marluk (*Qanoroq*-p unnukkut aallakaatinneqarnera)
- Nittartakkani 24-t (*sermitsiaq.ag* aamma *knr.gl*)


#### Nakkutilliillutik suliniuteqaqataasut

Kalaallit Nunaanni nakkutilleeqataasut tamarmik Ilisimatusarfimmeersuupput. Kalaallit Nunaanni nalunaarusiamik ataqatigiissarisuullunilu allattoq tassaavoq Naimah Hussain, Tusagassiornermut Immikkoortortami adjunktusoq. Immikkoortortamiittulli tamarmik GMMP-mik suliniummut paasisutissanik katersuineri arlaatigut suleqataasimapput. Suleqataasut ilagaat immikkoortortami pisortaq Naja Paulsen, tusagassiortunngornianik ilinniartitsisoq Mariia Simonsen, ilisimatusarnermi ikiorti Paarnaq Hansen aamma adjunkiullunilu ph.d.-nngorniaq Signe Ravn-Højgaard.

## NUTAARSIASSANI SAMMINEQARTUT

Misissueqqissaarnitsinni ullormi nakkutilliiviusumi sammineqartut maanna qimerlooriartigit.

Sammineqartunit toqqakkanit arfineq-pingasunit “Politikki naalakkersuisoqarnerlu” aamma “Aningaasaqarneq” Kalaallit Nunaanni ullormi nutaarsiassa qarfiusumi tupinnanngitsumik sammineqarnerpaajupput.



Takussutissiami takuneqarsinnaasutut “Ilisimatusarneq peqqissuserlu” sammineqarnerpaajuvoq nutaarsiassat nakkutilliivigineqartunit 101-init 34-t Covid-19-imut tunngassuteqarmata. Covid-19-ip sammineqarnera immikkoortumi nalunaarusiap matuma naggataatungaaniittumi immikkut sammineqarpoq.

Ullormi nakkutilliviusumi nutaarsiassat Suaassutsinut assigisaannullu<sup>24</sup> (Gender & Related) tunngassuteqartut ilinniartunik arnanik nikanarsaalluni tiingaffiginninnerit pillugit AG-mi allaaserisaneersuupput. Allaaserisat ima qulequtaqartut:

- Tusagassiortunngorniat tiinganiarfigineqartartut
- Tiinganiarnerit eqqumaffigineqartut

Allaaserisani taakkuni tusagassiuuteqarfinni marlunni taakkunani direktoriusut apersorneqartut. Suliffimminnili tamatumunnga tunngatillugu pisimasunik ilisimanninnginnerarput, neriorsuippullu tamanna misissuivigissallugu. Suliffeqarfiit anginerit allattaaq suliffimminni nikanarsaalluni tiingaffiginninniartarnerit pillugit apersorneqartut. Tusagassiuuteqarfillu sermitsiaq.ag ukiup qaangiuttup ingerlanerani AG-mi nittartakkamilu #MeToo-mut tunngassuteqartunik allaaserisaqartitsivoq. Nikanarsaalluni tiingaffiginninnerit suaassuserlu aallaavigalugu sioorasaarisarnerit silarsuaq tamakkerlugu tusagassiortunit arnanit (Djerf-Pierre og Edström 2020) – allaaserisanillu taakkunannga soorlu ersertoq, aamma tusagassiortunit kalaallinit – isumakuluutigineqarneruleralluttuinnarput.<sup>25</sup>

### **Silarsuarmi sumiiffinni allani sammineqartut**

Nunani avannarlerni, Europami nunarsuullu sinnerani sammineqartunut naleqqiussissagaanni sammineqartut assingungaatsiarput, “Politikki naalakkersuisoqarnerlu”, “Aningaasaqarneq”, “Ilisimatusarneq peqqissuserlu” aamma “Innuttaaqatigiit inatsisillu” tamani sammineqarnerpaammata.

Tamannali paasissutissanik katersuineri ilaatigut suussusersiutaavoq, ilitersuussutigineqarmat nutaarsiassat taamaallaat misissuivigineqassasut, atuagassiat, isummorsorfiit il.il. pinnagit, ilimanaateqarnerummat inuttut soqutiginaatillinnik, kulturimik, timersornermik il.il. taakkunani allaatigineqassasut.

Nutaarsiassani tusarfiit arnaasut amerlassusiisa sammineqartunut immikkoortiternissaat pitsaanaviannngilaq kisitsisit appasippallaarmata. ‘Politikkilli naalakkersuisoqarnerullu’ sammineqarnerini tusarfiit angutit amerlaneroqqajaasarpur (66 procentii angutit, 34 procentii arnat). Tamanna arnat angutillu politikkimut akuusut amerlassusiinut assingusinnaavoq, aamma nutaarsiassani sammineqartunik misissueqqissaarnernut allanut naapertuupput, nutaarsiassatut ‘sakkortunertut’ taaneqarsinnaasut – nutaarsiassatut pingaaruteqarnerusutut isigineqartartut – saqqummiunneqarnerini angutit amerlanerussuteqartarmata (Andreassen allallu 2019; GMMP 2015; Jørndrup aamma Bentsen 2015; Melin 2008). Tamatumaniissaaq erserpoq tusagassiortuunerup ‘angutit suliaasaattut’ amerlanerit isigineqartarnera (Bentsen 2019; Jørndrup aamma Bentsen 2015; Kramhøft 2003; Melin 2008). Kisitsisit sammineqartunut allanut tunngasut, assersuutigalugu ‘Ilisimatusarnermut peqqissutsimullu’ tunngasut, matuma qulaani eqqaaneqartuninngarnit naligiinnerupput (57 procentii angutit, 43 procentii arnat).

---


<sup>24</sup> GMMP-mi misissuariaaserineqartuni “suaassutsinut assigisaannullu” tunngassuteqartut “arnanik nikanarsaalluni tiingaffiginninnermut, kinguaassiuutitigit pinngitsaaliinnermut, innarliinnermut, #METOO-mut, #TIMESUP-imut allatigullu suaassuseq aallaavigalugu nakuusernermut, ilaatigut arnanik toqutsinnermut, niviarsiaqqanik arnanillu nioqquteqarnermut, suaassutsimillu allannguinnermut” aamma “arnat angutillu akornanni naligiinninnermut, soorlu angutit arnallu akissarsiaasa naligiinninnerannut” tunngassuteqartutut nassuarneqarpoq.

<sup>25</sup> Tusagassiortunit aqqissuisunillu kalaaliusunit 2018-imi ph.d.-nngorniutinnut tunngatillugu apersukkannit tamannattaaq isumakuluutigineqarpoq (Hussain 2018).

## NUTAARSIASSANI SAMMINEQARTUT TUSARFILLU

### Arnat ataatsimut isigalugit nutaarsiassani oqaaseqartinneqartarnerat

Tassa, nutaarsiassani angut arnallu amerlaqatigiikannerput, ullormi nakkutilliiviusumi Kalaallit Nunaanni nutaarsiassaniittut tusarfiit 41 procentii arnaammata. Matuminngali atuartup eqqaamasariaqarpaa kisitsit tamanna nutaarsiassanit katillugit 101-iusunit tusarfinnit 137-neersuummat. Nunarsuaq tamakkerlugu kisitsisinut anguneqartunut naleqqiullugu 41 procenti qaffasingaatsiarpoq.




*Aviisini, raadiumi tv-milu nutaarsiassanik tusarfiit nunanit 116-ineersut procentinngorlugit. Tusarfik: whomakesthenews.org*

Oqartoqarsinnaavoq kisitsisit naligiilluinnarpata pitsaanerpaassagaluartoq suaassutsit akornanni naligiilluinnartoqalissappat. Naligiittoqannginnerali ilaatigut nassuiarneqarsinnaavoq massakorpiaq politikkeriusut, peqatigiiffinni assigiinngitsuni pisortaasut inuiaqatigiinnilu nuimasut il.il. amerlassusiisa nikingassutaat isigalugit, nikingassutaasut piffissap ingerlanerani allanngorarsinnaasarmata. Aamma eqqaamasariaqarparput kisitsisit ullormit nutaarsiassaqarfimmit ataasiinnarmeersut pigigivut – 2018-imi sapaatip-akunnerata ingerlanerani nutaarsiassanik misissueqqissaarnermi tusarfiit 34 procentii arnaammata (Ravn-Højgaard suleqataalu 2018). Naliliissutit paasissutissanik taama ikitsigisunik tunngavillit misissoqqissaariaannaanngillat, aamma nalunaarusiaq manna kisitsisinut tunuliaqutaasunik misissuinissamut tunngavissaanngilaq. Kalaallilli Nunaanni kisitsisit ilaatigut nunani avannarlerni kisitsisininngarnit sooq qaffasinnerorpasinnersut misissuiviginerussallugu soqutiginnassagaluarpoq.


Nunani avannarlerni allani kisitsisit qimerloorutsigut Kalaallit Nunaat tusarfinnik arnanik

amerlanerussuteqarnerpaaffiuvoq:



Kisitsisit Kalaallit Nunaanersut ukiunit siuliineersut pigingilavut Kalaallit Nunaat 2020-mi siullermeerluni peqataammat. Tusarfik: whomakesthenews.org

Tusarfiit ataatsimut qimerloorneranni eqqarsaatigineqartariaqartoq alla tassaavoq GEM-index Djerf-Pierremi Edströmimillu (2020) atuakkiaanni tamanit atuarneqariaannarmi *Comparing gender and media equality across the globe* saqqummiunneqartoq. GEM-indeximut tunngaviuvoq naatsorsoqqissaakkat tunngavigalugit naleqqiussisinnaajumalluni nalunaarsuinissaq.



Nunat avannarliit, GEM-index 2020 tunngavigalugu

Noor'lup (0) nalgaa sammisani arfinilinni tamani (Inuit nutaarsiassaniittut, Tusagassiortut, Aningaasaqarnermi inuussutissarsiornermilu nutaarsiassani sammineqartut tusarfiillu, Politikkiimi naalackersuisoqarnermilu nutaarsiassani sammineqartut tusarfiillu, Oqaaseqartittakkat, Immikkut ilisimasallit) suaassutsit akornanni naligiilluinnarneq GEM-indexip naatsorsuineri najoqqutassiaa GMMP-mi paasissutissanik katersueriaasianik

tunngavilik naapertorlugu (paasisaqarnerujumallutit takuuk Djerf-Pierre & Edström 2020: 92–96).

Naatsorsueriaaseq tamanna atorlugu Kalaallit Nunaata kisitsit -15 anguaa. Nunanut avannarlernut allanut naleqqiullugu Kalaallit Nunaanni naligiissoqarnerorpasippoq.

### **Imaappa Kalaallit Nunaanni naligiingissutsimik ajornartorsiuteqartoqanngitsoq?**

Nutaarsiassani tusarfiit inuillu eqqarsaatigalugit suaassutsit akornanni naligiissuseqarnerugaluartoq, GEM-indeximi Kalaallit Nunaata inissisimaffianut naleqqiussuutigaluni aalajangersimasunik maluginiagassaqarpoq. GMMP tunngavigalugu nakkutillinermut najoqqutassiami tusagassiuutini nutaarsiassaqaqtitsiviusuni immikkoortut tamarmik eqqarsaatigineqanngillat. Isummertarfanni, atuartartut allagaanni, oqaaseqaatini ilanngutassiani il.il. arnat angutillu qanoq peqataatiginerannik qimerluuillatsiarneq paasisaqarneruffiusinnaavoq. Ullormi nakkutilliviusumi aviisit marluk qimerloorutsigit quppernemi oqallittarfiusuni angutit amerlanerussuteqarput (angutit 13-it arnallu pingasuinnaat peqataapput).

Tamanna aaqqissuisoqarfiit pingaarnersiortagaannut takussutissatut isigineqartariaqanngilaq, tamanulli saqqumisumi kikkut oqalliseqataasarnerunerannik paasisaqarfiuvoq. Tamanna misissuivigineqarsinnaagaluarpoq oqallittarfinnik nakkutilleeqqissaarnikkut itisiliinerulluniluunniit paasiniaanikkut, paasiumallugu arnat peqataanerisa suusupagineqarpasinnerannut pissutaasut tasaanersut inuit aalajangersimasut, aaqqissuisoqarfinni periaaserineqartut imaluunniit inuiaqatigiit ataatsimut isigalugit. Imaassinnaavaluunniit arnat tunuarsimaartuunerannut takussutissaasoq? Imaluunniit innutaaqatigiinni inissisimaffiit pingaarutillit angutinit inissisimaffigineqarnerannut takussutissaava? Sulisartummi peqatigiiffianni siuttut, inuussutissarsiortut peqatigiiffianni ulapaarfiusumiittut, aningaasaqarnermut siunnersuisoqatigiinniittut, partiini siulittaasut il.il. angutaapput. Sammisat taakku (politikki naalakkersuisoqarnerlu, aningaasaqarneq inuussutissarsiorterlu) nutaarsiassani pingaarnertinneqartarmata soqutiginaassagaluarpoq misissuivigissallugu sammisat tusarfiillu tusagassiorlut atorsinnaasaat sammisallu aviisini immikkoortunut tamakkununga tulluurtutut isigineqartartut imminnut qanoq atassuteqarnerut.

Assersuutigalugu arnat oqallittarfinni peqataasartut tassaagajuttarput meeqqat, innarluutillit il.il. pillugit suliniaqatigiiffinni qullersaasut. Inatsisartuni ilaasortat arnat, ingammik politikikkut suliniuteqarsinnaatillutik, oqaaseqaateqaqataalluurtarput il.il.


AG qimerloorutsigu aviisimi tamatumani tamanut soqutiginaatillit kulturilu qitiutinneqarnerupput. Tamanna aamma malunnarpoq sapaatip-akunneri tamaasa oqaaseqartarfimmi ISUMAGA-mi qupp. 8-miittartumi isummertinneqartartut misissoraanni, isummertinneqartartunut ilaammat eqqumiitsulianik katersugaasivimmi pisortaq arnaq. Aviisimilu immikkoortoq tamanna inunnit innutaaqatigiinneersunit ilanngutassiivigineqartarpoq: katersugaasivimmi pisortaasumit eqqaariikkatsinnit, isiginaartitsisartumit arnamit, politikieriusimasumit angummit KNAPK-milu siulittaasuusimasumit angummit. Taamaattumik immikkoortumi tamatumani naligiilluinnartoqarnissaa aaqqissuisoqarfimmit aalajangiunneqarsimavoq. Isummertinneqartartulli allat amerlanertigut angutaasarput. Tamanna tusagassiuuteqarfinnit arnanillu inuiaqatigiinni malunnaatilinnit eqqumaffigineqartariaqarsinnaavoq, sunniuteqaqataajumallutik nutaarsiassaqaqtitsivinnilu oqalliseqataajumallutik.

### **Tusarfiit nutaarsiassani atorfiat**

Nunarsuaq tamakkerlugu GMMP-mi kisitsisinit erserpoq sammisat ilaat


naligiissuseqarfiunerusartut. Assersuutigalugu misissueqqissaarnerni allani paasineqarpoq arnat takusimasaminnik misigisaminnilluunniit oqaluttuartinneqarnerusartut, angutit immikkut ilisimasalittut oqaaseqartartutulluunniit saqqummersartut amerlanerullutik, il.il. (GMMP 2015).

Eqqaamasariaqarpoq paasissutissat taakku ullormit nakkutilliiviusumit ataasiinnarmeersuummata arnat Kalaallit Nunaanni nutaarsiassani *oqaaseqartartut* atorneqarnerusartut. Sammisag tamannattaq misissueqqissaarnermi allami paasineqartutut (Ravn-Højgaard suleqataalu 2018) Kalaallit Nunaanni nutaarsiassani tusarfiunerpaasarpoq, tamannalu arnat Kalaallit Nunaanni nutaarsiassani nunani allaninngarnit tusarfittut saqqummiunneqarnerusarnerannut immaga nassuiaataasinnaavoq.



2020-mi Kalaallit Nunaanni GMMP-mi nutaarsiassat atorfiat. Tusarfik: whomakesthenews.org

Ullormi nakkutilliiviusumi immikkut ilisimasallit arnat angutillu ikippallaarput procentinngorlugit naatsorsornissaannut, Europamili kisitsisit qimerlooraanni pissutsit ukiuni siuliinisut iinnarput. Arnat nammineq misigisimasanut tunngatillugu, takunnissimasutut inuillu tamat soqutigisaannut isummersorfinni saqqummiunneqartarput immikkut ilisimasalittut saqqummiunneqarpiarneq ajorlutik.



Kisitsisit 2020-mi GMMP-mi Europami peqataasuneersuupput. Tusarfik: whomakesthenews.org



Niemi aamma Pietkänen (2017) tusagassiuutini suaassutsit aallaavigalugit immikkut ilisimasalinnik atuisarnermik ingammillu Finlandimi tusagassiortuni nutaarsiassalerisartuni suaassutsit akornanni naligiinnginnermik misissuisimapput (Niemi aamma Pitkänen 2017). Taakkua misissuineranni, nunani killerni inuinnaat naalackersuisooqataaffigisaanni misissukkanut naleqqiussiviusumi, isummiunneqarpoq angutit tusagassiuutini immikkut ilisimasalittut saqqummiunneqartartut amerlanerussuteqartut. Aamma naak Finlandi nunatut arnanik akaarinniffiusutut naligiissitaaffiusutullu isigineqartaraluartoq, misissuinermit ersepoq arnat tusarfiit immikkut ilisimasaliusut saqqummiunneqartartut 30 procentinit ikinnerusut. Takussutissiami matuma qulaaniittumiippat Europami kisitsisit 2020-mi GMMP-meersut, taakkunanilu immikkut ilisimasallit isummersortartullu 24 procentiinnaat arnaapput. Kalaallit Nunaata kisitsisitigut qaninnerpaasaanni Danmarkimi 25 procentiupput Islandimilu 18 procentiullutik.

Tamanna tusarfiit arnaasut tunuarsimaartarnerattut allaalluunniit immikkut ilisimasallit arnat ikippallaarnerattut tusagassiuuteqarfinit nassuiarneqartarpoq (Andreassen allallu 2019; Jørndrup aamma Bentsen 2015). Qulaanili takutinneqartut Kalaallit Nunaanni arnat ilinniagaqartartut amerlapput, immikkulli ilisimasalittut saqqummiunneqarpiarneq ajorput. Pisortatut atorfinni, siulersuisuni sulisullu akornanni naligiissitaaneq pillugu paasissutissat Kalaallit Nunaanni ikittuinnaapput. Arnat ilinniarsimasut amerlanerat siunissami nutaarsiassani malunnassappat sivisunerusumik misissueqqissaartoqartariaqarpoq Kalaallit Nunaanni kisitsisit GMMP-mi paasissutissaneersut atuinnarnagit.

## TUSAGASSIORTUT ILANNGUTASSIISARTULLU

Soorlumi aamma nunani allani taamaattoq, arnat tusagassiortunngorniartut amerliartorput, allaallumi ilaatigut angutinit amerlanerullutik (Djerf-Pierre & Edström 2020: 14). Taamaapportaaq Ilisimatusarfinni tusagassiortunngorniartut kandidatillu akornanni.

Kalaallit Nunaanni aviisiliortut tusagassiortullu arnat angutillu amerlaqatigiipajaaginnarnerat takuneqarsinnaavoq ullormi nakkutilliiviusumi nutaarsiassanik kikkut suliarinnittuunersut misissoraanni, tassa naqitani, raadiumi, tv-mi nittartakkanilu: Arnat 36-t angutillu 42-t nutaarsiassanik suliarinnittuupput. Ulloq taanna tv-kkut aallakaatitaq ataasiinnaavoq, taannalu arnamit ataatsimit saqqummiunneqarmat oqartoqarsinnaavoq ullormi tassani arnaannarnik, imaappoq 100 procentimik, tv-kkut tusagassisoqartoq. Taamatuttaaq ullormi pineqartumi KNR-ip raadiuaviisiinik saqqummiussisut angutaannangajaammata oqartoqarsinnaavoq tassani sulisut angutaannaanersut. Tassa kisitsisit appaseqigamik misissuinermi iluamik takussutissiisumik procentilersuutiginnissaat ajornarpoq.

### Atorfiit qaffakkiartortillugit angutit amerliartortarput


Tusagassiuutini nakkutilliivigineqartuni tusagassiortut arnat angutillu KNR-imi amerlaqatigiiginnangajapput, qullersaasunili angutit amerlanerullutik. Pisortaaneq nutaarsiassaleriffimmilu pisortaq angutaapput<sup>26</sup>, pisortaasulli allat aqqqissuisoqarfimmu qaninnerusut akornanni suaassutsit itigut naligiiffiunerullutik. Soorlu maanna KNR-imi TV-p nutaarsiassaleriffiani aqqqissuisoq raadiup pisortaa aamma nittartakkami aqqqissuisoq tamarmik arnaapput. Soorlu maanna KNR-imi TV-p nutaarsiassaleriffiani aqqqissuisoq raadiup pisortaa aamma nittartakkami aqqqissuisoq tamarmik arnaapput. Pissutsit aamma taamaapput sermitsiaq.ag-

<sup>26</sup> Ullormi nakkutilliiviusumi. Nalunaarusiamik matuminnga tunniussiffissaq ullualunnik sioqqullugu aqqqissuisut ilaat atorfininit soraarpoq, taartaagallartorlu arnaavoq. Matumani erseqqippoq paasissutissat pigisat ikittuinnaagaangata pissutsit piviusut ilaminiinnat takutinneqartartut inerniliissuteqarnissarlu ajornartartoq.

mi; aaqjissuisoqarfimmi sulisut arnat amerlanerupput, pisortaalli angutaapput, nittartakkami aaqjissuisoq eqqaassanngikkaanni. Pisortaanerusoq aamma Sermitsiap AG-llu aaqjissuisui tamarmik angutaapput, nunani allani pissutsinut assingusorujussuarmik (Djerf-Pierre & Edström 2020: 14).

Nunani avannarlerni pisortatut atorfillit pillugit Finlandimiut GMMP-mi suliniuteqaqataasut paasissutissanik katersuisimapput, imaattumillu takussutissiorput:

### Nordic distribution of gender in top management positions during GMMP 2020



Takussutissiamik suliarinnittoq: Sandra Broborn, Finlandimi GMMP-mi suliniuteqaqataasooq

Soorlu takussutissiami takuneqarsinnaasooq, ullormi nakkutilliviusumi Kalaallit Nunaanni arnamik pisortaanertut aaqjissuisuunertulluunniit atorfeqartoqanngilaq. Tassanili pineqarput pisortaanerit aaqjissuisuunerillu kisimik, aaqjissuisoqarfimmi aqutsisut allat pineqaratik. Ukiuni kingullerni pisortat tullisut atorfeqartut arnat amerlisimapput, soorlumi aamma KNR-ip nutaarsiassaleriffiani 2021-mit pisortaagallartoq arnaasooq. Imaattariaqanngilarli arnat angutillu naligiissitaanissaat pillugu pimoorussamik suliniuteqarnikkut taamaalisimasooq. Kisitsisimmi pineqartut inerniliissutiginiapallannissaat tunuarsimaarfigisassaavoq, tassami piffissami sivikitsumi aalajangersimasumi pissutsit tunngavigineqarmata, taamaattumillu piffissami sivilunerusumi pissutsit takussutissaqarfigniaassagaanni sukumiinerusumik misissuisoqartariaqarluni. Pissutsilli ataatsimut isigissagaanni ukiuni 10-15-ini kingullerni Kalaallit Nunaanni tusagassiorfinni pisortatut atorfeqartut tamangajammik angutaapput. Byerlyp McGrawillu misissuinerisigut takutinneqarpoq arnat tusagassiorfinni pisortatut inissisimanerat aamma nutaarsiassalerinermi arnat qanoq sammineqartartiginerannut attuumassuteqartorujussuusoq (Byerly aamma McGraw 2020).

Takussutissaq alla pineqartumut attuumassuteqartoq siulersuisunut ilaasortat katitigaaneranniippoq. Taakkunani siulittaasooq ilaasortarlu ataaseq politikkikkut toqqagaapput Namminersorlutik Oqartussanit, ilaasortat allat pingasut Ilisimatusarfiup

aamma eqqumiitsuliortut kattuffiata innersuussinerisigut toqqagaallutik kiisalu ilaasortaq ataaseq sulisut akornannit toqqagaalluni. 2021-mi maajimit siulittaasoq arnaavoq (2019-2022) – piffissami tamatuma siuliani (2019 tikillugu) siulittaasoq angutaalluni. Siulersuisunut ilaasortat sinneri arnat angutillu amerlaqatigiipput.

Tusagassiuuteqarfimmi sermitsiaq.ag-mi siulersuisut siulittaasoraat Jens Bruun. Taanna 2019-imi siulittaasunngorpoq ukiorpasuarini siulittaasuusimasoq Jørgen Ejbøl tunuarmat. Siulersuisunut ilaasortat allat marluk arnaapput marlullu angutaallutik.

Issittumi suaassutsit akornanni naligiissitaanermik 2021-mi nalunaarusiami siusinnerusukktu eqqaaneqartumi taaneqarpoq issittumi tusagassiuutini sulisut suaassutsikkut qanoq naligiissitaatiginerat siunissami misissugassaqqissut arlallit ilagigaat. Siunnersuutigineqarporlu pisortatut atorfiit amerlanerusut arnanik inuttalernerqarsinnaanerit misissorneqassasoq, sulisoqarnermi tamatigoornerusumik suaassutsimillu eqqumaffiginninnerusumik ingerlatsinissaq siunertaralugu, allaammi suaassutsikkut kvotellersuisinnaanissaq eqqarsaatigalugu.

“Pisortanik atorfinitsitsisarnermi suaassutsikkut tamatigoortumik ingerlatsinissamik isumasarsianik nukittorsaaneq saqqumminerulersitsinerlu – politikkimi, pisortaqarfinni, aningaasarsiornermi innuttaasullu akornanni – inooqatigiinnikkut, politikkikkut kulturikkullu ileqqussanik isumalluaatissanillu nutaanik pilersitsiartuaarsinnaavoq nukittorsaasinnaalluniluunniit”.<sup>27</sup>

Tamanna Issittumut tamarmut, Kalaallit Nunaannuinaangitsaq, tunngatillugu siunnersuutaavoq. Tusagassiuuteqarnermut tunngatillugu siusinnerusukktu misissuinerit takutipaat Kalaallit Nunaanni tusagassiuutini public service-usuni tamatigoortumik sulisussarsiniartarnissaq pingaartinneqaraluartoq, tamatumanili maani nunaqavissunik sulisussarsinissaq pineqarluni (Danmarkimit sulisussarsinissamut illua'tungiliullugu), suaassutsikkut tamatigoortuunissaq immikkut pineqarnani (Hussain 2018).

***Tusagassiortut arnat tusarfinnik qiniataarigaangamik suaassutsimik sianiginninnerusarpat?***

Nunani tamalaani siusinnerusukktu misissuisarnertigut maluginiarneqarsimavoq tusagassiortut angutit arnallu tamarmik tusarfinnik angutinik atueqqajaaneruserartut (Andreassen allallu 2019; GMMP 2015; Jørndrup aamma Bentsen 2015) aammalumi Kalaallit Nunaanni taamaappoq. Kisitsisit appasikkaluartut isumaqarnarpoq Kalaallit Nunaanni tusagassiortut arnat suaassutsimik eqqumaffiginninnerulaannguartut, soorlumi tamanna matuma ataani takussutissiami takuneqarsinnaasoq.

Sex of reporter	Female source	Male Source
Female	47%	53%
Male	32%	68%
Other / Don't know	0%	0%

Takussutissiamit erserpoq tusagassiortut arnat tusarfinnik arnanik angutinillu atuinerat 47-53-inik agguataarneqartoq, tusagassiortullu angutit tusarfii angutit 68 procentiullutik arnallu taamaallaat 32 procentiullutik.

Tusarfiit tunngavigineqartut ikikkaluartut (tusarfiit 137-t), aammalu ullormi ataasiinnarmi misissuinerit tamakkiisumik takussutissaasinnaangikkaluartut, soqutiginaateqarsinnaapput ima aperinissamut tunngavigissallugit: *Tusagassiortut arnat suaassutsimik*

<sup>27</sup> Pan-Arctic Report, Gender Equality in the Arctic 2021: 20

*eqqumaffiginninneruppat?* Soorlumi aqqissuisoqarfinni nutaarsiassaleriffiusuni siusinnerusukkut misissuinerigtigut paasineqarsimasoq, tamanna tusarfinnik atuinnermi ileqqutoqaalersimasunik takussutissaasinnaavoq, aammami tusarfiit taakkuujuartut atoqqinneqartuartarmata (Willi 2011) – taakkulu tassaasarlutik angutit (pissaanillit) (GMMP 2015). Pissutaasinnaasut allat tassaapput nutaarsiassaleriffinni sammineqarajuttunut (soorlu politikkimut naalackersuisoqarnermullu, aningaasaqarnermut inuussutissarsiornermullu) tunngatillugu tusarfinnik toqqaasarnermi tamatigoornermik amigaateqarneq imaluunniit tusagassiortut angutit arnallu nutaarsiassalerinnermi sammisartagaasa assigiinneqqajaasarnarat. Kisitsisilli Kalaallit Nunaanneersut tamatumani inerniliissutigissallugit naammangillat; sukumiinerusumik misissueqqinnissaq tamatumani pisariaqassaaq, soorlu itisiliilluni apersuinerigtigut nutaarsiassaleriffinnilu sulisut inuiaassutsikkut kikkuunerannik paasiniaanikkut.

## **COVID-19-IP NUTAARSIASSANUT SUNNIUTAI**

Soorlu taaneqareersoq, septembarip 29-anni Kalaallit Nunaanni nutaarsiassat – nunarsuaq tamakkerlugu tusagassiuutini allanisut – Covid-19 pillugu nutaarsiassartaqarput, Kalaallit Nunaanni tunillatsissimasut ikittuinnaagaluartut.

Assersuutigalugu nittartakkami sermitsiaq.ag-mi nutaarsiassani aqqaneq-marluusunit arfinillit Covid-19-imut tunngapput. Knr.gl-imilu nutaarsiassanit aqqanilinnit sisamat aamma Covid-19-imut tunngapput.

Danmarkimi peqqissutsimut tunngasut Kalaallit Nunaanni innuttaasunit qanimut malinnaavigineqarput, kalaalerpassuit Danmarkimi najugalinnik ilaqutaqarmata. Kalaalerpassuit – massakkorpiaq 14.000-it missaanniissorineqartut – Danmarkimi najugaqarput. Ilinniariarneq, suliffittaarnissamut periarfissaqarneq, peqqissariarneq ilaqquttanulluunniit qaninnerujumaneq nuuttoqartarneranut pissutaagajupput<sup>28</sup>. Aammattaaq Danmarkimik qanimut suleqateqarneq (itsaq ullumikkullu) nunasiaataasimanerlu nutaarsiassat Danmarkimeersut Kalaallit Nunaanni tusagassiuutini ilanngukkumaneqartarnerannut pissutaapput (Hussain 2018).

Nunani Avannarlerni Siunnersuisoqatigiit aamma Nordicom Covid-19-ip nunani avannarlerni tusagassiuutininut sunniutaanik misissuisimapput, Kalaallillu Nunaannut tunngatillugu inerniliissutigineqarpoq nappaat sunniuteqaraluartoq (ass. pilerisaarinnermut aamma Kalaallit Nunaata Danmarkillu akornanni timmisartuussisoqarunnaarallarnera pillugu aviisinik naqiterinnermik allannguisariaqarnermut) 2020-p ingerlanerani nunarsuaq tamakkerlugu nappaalanersuaqarnera Kalaallit Nunaanni nutaarsiassaqaqarfinnut ingasattumik sunniuteqanngitsoq<sup>29</sup>. Taamaakkaluartorli suli erseqqinngilaq 2021-mi pissutsinut qanoq sunniuteqassanersoq, aamma siunissaq ungasinnerusoq eqqarsaatigalugu.

---

<sup>28</sup> Pan-Arctic Report, Gender Equality in the Arctic 2021: 178

<sup>29</sup> Nordicom Covid-19 och de nordiska nyhetsmedierna 2021



## EQIKKAANEQ INERNILIISSUTILLU

Kalaallit Nunaanni tusagassiorfinni ikittuinnaasuni nutaarsiassaqaartitsineq annikippoq, ullormilu nakkutilliiviusumi nutaarsiassat 101-iupput tusarfiillu katillugit 137-ullutik. 2020-mi GMMP-mi paasisat qimerloorlugit Kalaallit Nunaanni tusarfiit arnat nunani allaniittunut naleqqiullugit amerlanerupput 41 procentiulutik Kalaallit Nunaat GEM-indeximittaaq nunanit avannarlernit allanut naleqqiullugu qaffasinnerumik inissinneqarpoq. Tusarfiit arnat ingammik oqaaseqartartut atorneqartarput, arnallu ikittuinnaat tusagassiuutini immikkoortuni allani peqataasarput, soorlu atuartartut allagaqartartut isummersoqataasartullu il.il. ikittuinnaapput.

Septembarip 29-anni nutaarsiassani sammineqarnerusut tassaapput “Peqqissuseq ilisimatusarnerlu”, “Politikki naalackersuisoqarnerlu” aamma “Aningaasaqarneq”. Tusagassioortut angutit arnallu amerlaqatigiilluinnangajapput. Pisortatut atorfillit angutaanerupput, pisortatulliisut atorfillit amerlaqatigiiffiunerullutik. Tusagassioortut arnat suleqatiminnit angutininnarnit suaassutsimik eqqumaffiginninnerulaannguarput. Paasissutissat taama ikitsigisut tunngavigalugit ileqqorineqartunik qulaarinissaq ajornarluartoq Kalaallit Nunaanni tusagassiuutini immikkut pinnittoqartarpassinngilaq, aamma arnat tusarfittut atorneqartartut nunani avannarlerni allaninnarnit amerlanerugaluartut. Nutaarsiassaqaarfanni nutaarsiassaqaartitsinermi suliaassanik nalinginnaasunik, soorlu ataatsimiinnernut piffissaliussanik paasisanillu uppersaanissamik il.il. pingaartitseqqajaaneruserput, nutaarsiassaatiminni tusarfiit suaassusiannik eqqarsaatiginninnissaminngarnit. Isumaqaarnarpoq tusarfinnik toqqaanermi oqaatsit tusarfiup atugai eqqarsaatigineqarnerusartut (paasisaqarnerujumallutit takuuk Hussain 2018) suaassutsip eqqarsaatigineqarneraninnarnit.

## NALEQQIUSSAT

- Andreassen, Rikke, Anna Maria Collin Hansen, Cecilie Aaby, og Christian Dalsgaard Clausen. 2019. “Køn og medierepræsentation. Journalistiske forestillinger og praksisser”. I *Køn, magt og mangfoldighed*, red. Lise Lotte Hansen. Frydenlund, 128–50.
- Arnfred, Signe, og Kirsten Bransholm Pedersen. 2015. “From Female Shamans to Danish Housewives: Colonial Constructions of Gender in Greenland, 1721 to ca. 1970”. *NORA - Nordic Journal of Feminist and Gender Research* 23(4): 282–302.
- Bentsen, Martine. 2019. “En rigtig journalist - Hvad køn betyder for journalistikken og for det at være journalist i Danmark: En montage og et litterært autoetnografisk mulighedsmanifest for evnen til at forestille sig noget andet”. RUC.
- Byerly, Carolyn M., og Katherine A. McGraw. 2020. “Axes of power Examining women’s access to leadership positions in the news media”. I *COMPARING GENDER AND MEDIA EQUALITY ACROSS THE GLOBE: Cross-National Study of the Qualities, Causes, and Consequences of Gender Equality in and through the News Media*, red. Monika Djerf-Pierre og Maria Edström. Nordicom.
- Couldry, Nick. 2010. *Why voice matters: Culture, politics and neo liberalism*. London: Sage.
- Dines, G., og J. M. Humez. 2015. *Gender, race, and class in media : a critical reader*. SAGE.
- Djerf-Pierre, Monika, og Maria Edström. 2020. *Comparing Gender and Media Equality Across the Globe*. Nordicom.
- Frederiksen, Katti, og Carl Christian (Oqaasileraffik) Olsen. 2017. *DET GRØNLANDSKE SPROG I DAG Rapport over det grønlandske sprog, standpunkt og anbefalinger*.

- Gill, R. 2007. *Gender and the media*. Polity.
- GMMP. 2015. *Who Makes the News? Global Media Monitoring Project*.
- Hjarvard, S. 2016. *Medialisering : mediernes rolle i social og kultural forandring*. Hans Reitzel.
- Hussain, Naimah. 2018. "Journalistik i små samfund: Et studie af journalistisk praksis på grønlandske nyhedsmedier". Roskilde Universitet.
- IKINN. 2011. *Rapport om køn og ligestilling arbejdsmarkedet i Grønland*.
- Jørndrup, Hanne, og Martine Bentsen. 2015. *Who makes the news? Global media monitoring project 2015 National Report Denmark*.
- Kramhøft, Peter. 2003. *Journalistik med omtanke: arbejdsmetoder i udredende og analytisk journalistik*. 1. udg. Aarhus: Ajour.
- Melin, Margareta. 2008. "Gendered journalism cultures". Gothenburg.
- Niemi, Mari K., og Ville Pitkänen. 2017. "Gendered use of experts in the media: Analysis of the gender gap in Finnish news journalism". *Public Understanding of Science* 26(3): 355–68.
- Priested Nielsen, H. 2021. "Gender and the Greenlandic Labour Market". I *Greenland's Economy and Labour Market*, red. Laust Høgedahl. Routledge.
- Rasmussen, Mette Apollo. 2022. "Practicing Gender-relations in Greenlandic Organization".
- Ravn-Højgaard, Signe m.fl. 2018. *Tusagassiutit - En kortlægning af de grønlandske medier*. Nuuk.
- Svensson, Eva-Maria, og Maria Edström. 2014. "Freedom of expression vs. gender equality: Conflicting values when regulating gender stereotypes in advertising". *Tidsskrift for Rettsvitenskap* 127(5): 479–511.
- Utoft, E. H. 2020. *Motivation, organisational gender equality work and the postfeminist gender regime: A feminist approach*. Politica Aarhus Universitet.
- Williamson, Karla Jessen. 2011. 1 INUSSUK "Inherit My Heaven: Kalaallit Gender Relations".
- Willig, Ida. 2011. *Bag nyhederne - Værdier, idealer og praksis*. 2. udg. Frederiksberg: Samfundslitteratur.

## INNERSUUSSUTIT ILIUSSISSATULLU PILERSAARUT 2021–2025

Nutaarsiassani suaassutsinik assigiinngitsunik peqataatitsillu arnerulerumalluni iliuusissatut siunnersuutit takusinnaavatit 2020-mi GMMP-mit nunarsuaq tamakkerlugu nalunaarusiami uani aasinnaasanni: *whomakesthenews.org*.

Siunissami misissueqqissaarnissaq eqqarsaatigalugu soqutiginassagaluarpoq nakkutilliivigisassat amerlisikkaanni, itisiliilluni paasiniaaqqissaagassanik paasissutissaqarneruniassammat aammattaaq ileqqunik tigussaanagerusunik tunngaveqarluarnerusunillu paasiniaaviginnittoqarniassammat.

Aamma soqutiginassagaluarpoq nalunaarusiamut matumunnga tunngaviusumi apeqqutaalersunik misissuinerusoqartuuppat. Assersuutigalugu suaassutsikkut kiffaangissuseqarnermik eqqarsartaaseq Kalaallit Nunaanni nunasiaataalernerup kingorna angutaasut arnaasullu saniatigut allanik suaassuseqartoqannginneranik paasinnittaaseqarnermut (paasisaqarnerujumallutit takuuk Jessen Williamson) naleqqiussisoqarsinnaavoq.

Nutaarsiassa qarfiit eqqarsaatigalugit itisiliiffiunerusumik suleriaaseqarnissaq naleqqutissagaluarpoq, apersuisarluni aamma/imaluunniit nutaarsiassaleriffinni paasiniaalluni, nutaarsiassaleriffinni ileqqorineqartut misissuiviginerujumallugit. Taamaaliortoqarsinnaavorlu Margareta Melinip Tuluit Nunaanneersuullunilu Sverigemeersuusup atuakkaa imaluunniit Martine Bentsen Danmarkimeersoq isumassarsiorfigalugit. Ulluinnarni nutaarsiassalerinermi suaassutsinut tunngatillugu ileqqoqartoqarpat ileqqorineqartorpiamik misissuimalluni tusagassiortut aqqqissuisullu inuiaassutsikkut kikkuunerannik paasiniaaneq *tunngaviusunik periaasissanillu* qulaajaassutaasinnaavoq, taakkumi *paasiniaavigisanit* pingaernerummata. Assersuutigalugu suaassutsit akornanni naligiissuseq amerlanerussuteqarnerlu (atuuppata) Kalaallit Nunaanni nutaarsiassaleriffinni qanoq oqallisigineqartarnersut misissugassaqqippoq.

Ph.d-nngorniutinni inuiaassutsikkut kinaassutsinik misissuiniinna suaassutsit akornanni naligiissitaaneq tusagassiortunit aqqqissuisunillu 2015-imiit 2017-imut apersukkannit imatut eqqarsaatigineqanngilaq. Taamanikkulli ilisimatuutut misissuillunga apersuininni aalajangersimasumik qitiutitaqanngilanga, taamaattumillu taamatut apersuinikkut tamatumunnga tunngasut pillugit tunngaveqarluarnerusumik isummertoqartarnissaa takorloornarluni. Siusinnerusukkullu suliannit mianersortunnguamik inernilliissutigata tassaavoq suaassutsit akornanni naligiissitaaneq Kalaallit Nunaanni ajornartorsiutaanngitsut amerlanernit isigineqarmat, tusagassiortunit aqqqissuisunillu apersukkannit tamanna eqqarsaatigineqanngitsoq. Eqqarsaatigineqarneruppulli oqaatsinut marluinnillu oqaaseqarnermut tunngatillugu, illoqarfinni aqqqissuussinernut tunngatillugu aningaaqarnikkullu il.il. naligiinngissutit.

Iliuserineqarsinnaasoq alla tassaavoq Ilimatusarfimmi tusagassiortunngorniarfimmi ilinniartitsissutigineqartartussanik akuersiinnarnani apeqqusiinissaq, suaassutsinut, inuiaassutsimut, innarluuteqarnermut, LGBTQIA+ -imik ilisimaarinninnermut assigisaannullu tunngasunik eqqarsaatiginninnerunissaq anguniarlugu.





## Ilanngussaq 1. Methodology

A key characteristic of longitudinal research is the assessment of change over time on the observed indicators. In the case of the 2020 Global Media Monitoring Project (GMMP), the methodology, indicators, approach to data collection and analysis are consistent with past editions of the research in order to allow for the usual historical comparisons.

### *Process*

The global monitoring day scheduled initially for the first quarter of 2020 was postponed to later in the year due to the upheavals caused by the first coronavirus (Covid-19) wave worldwide. As the April monitoring day approached, it became quickly clear that proceeding as planned would result in a news sample that would be almost entirely focused on coronavirus stories. A new need emerged to address the practicalities of monitoring during the lockdowns and curfews imposed to contain the spread of the virus, as the regular sit-down communal coding sessions were now out of the question for most teams. The risks to health and livelihoods, the need to find ways of coping with everyday life, would shift the GMMP down on the ladder of priorities for the volunteers, potentially increasing the drop-out rate. These new challenges called for a pause on the plans to search for solutions and put in place the tools and resources necessary before monitoring could proceed.

The GMMP technical advisory group and the database development team Code for Africa worked to systematically address the issues. A new monitoring date was set for September, the coding tools were tweaked to capture Covid-19 stories without compromising on the ability to compare results across time based on story topics, exhaustive audio-visual training resources on how to code in a pandemic were put in place, electronic coding instruments were developed and the teams were re-trained in numerous webinars.

As with previous waves of the GMMP, the initial data capture was conducted offline by volunteer teams across the 116 participating countries. For the 2020 GMMP, a spreadsheet version of the coding sheets was provided, to allow for electronic recording of the observations.

In the period leading up to the monitoring day, a series of regional and national training sessions were organised to build a uniform understanding of the teams on the methodology and approach to coding. The teams received training on media selection, newscast and article selection, and the number of media to code.

For the 2020 GMMP, teams could choose from two possible options for the monitoring:

- **Full monitoring**, whose results provide a comprehensive picture of the status of gender equality dimensions in news media.
- **Short monitoring**, a shorter version which focuses on the key GMMP indicators, for teams who wished to participate but for various reasons could not implement the full monitoring.

To ensure accuracy in the coding process, radio and television bulletin were recorded, and copies of digital and print media items were collected. Across the different media types- both for the full and short monitoring-monitors captured information about the story, its main themes and the people in the story, as journalists, as story subjects and sources. Additionally, three optional special questions, unique to each country, allowed individual countries to analyse issues of national interest. For standardisation purposes, as well as the multilingual nature of this study, all responses were numerically coded from fixed lists.

To enable comparability of data gathered from a pandemic-heavy news agenda with the historical results, an additional question was included which asked whether the story was related to Covid-19. For such stories, monitors were requested to select the most relevant secondary topic. While global news stories had diversified to pre-pandemic levels by the global monitoring day in September 2020, the regional analysis demonstrated the significance of this question, particularly for North America and the Middle East, which recorded 37% and 36% of Covid-19-related stories respectively.

### *Media bands*

The media bands system was introduced in 2005 to ensure a more even spread of data and also serve as each country's reference point on the minimum number of media to monitor. This system was retained for the 2020 GMMP and was updated with the input of the country coordinators.

### *Weighting*

While the GMMP seeks to understand how gender is represented in media across the world, differences in media access and impact across the participating countries mean that a simple aggregation of the data would lead to biased results. For example, if a country like France submitted data from 100 media, the entries from a smaller country like Fiji would have little, if any, impact on the results. Additionally, while two countries may have similar numbers of newspapers, their impact, in terms of the number of people who read them, may be significantly different. To address these challenges, GMMP 2020 updated, re-tested and applied the weighting system first developed for the 2005 edition.

### *Accuracy*

The GMMP involved several thousand people across 116 countries from diverse gender and media stakeholder groups, with different research abilities and working in a wide range of languages. For a study of this scale, it was crucial that accuracy was considered at each stage, to maintain the high levels achieved in previous years. Data entry and processing errors can have severe biasing effects on the data analysis, resulting in misrepresentation of the observed variables. To minimise this risk, we leveraged on a variety of automated processes, as well as the extensive media monitoring experience of the country coordinators.

### *Limitations*

As with any study, great effort was made to ensure accuracy of the data. As observed in previous GMMPs, an exact error of measurement cannot be determined due to the study's magnitude. Conventional error measurement would involve different researchers coding the same story and then calculating a level of error from the differences between the results. Although this was not possible for GMMP, we followed best practice to make sure that there were minimal errors in the data capture and analysis generation process.

### *About Code for Africa*

[\*Code for Africa \(CfA\)\*](#) is the continent's largest network of indigenous African civic technology and investigative data journalism laboratories, with over 70 staff in 19 countries, who build digital democracy solutions that are intended to give citizens unfettered access to actionable information that empowers them to make informed decisions and that strengthen civic engagement for improved public governance and accountability.

## Ilanngussaq 2. Nakkutilleeqataasut

<b>Tusagassiut</b>	<b>Paasissutissanik katersuisoq</b>	<b>Uppernarsaasoq</b>
Nittartakkat (knr.gl and Sermitsiaq.ag)	Naimah Hussain	Paarnaq Hansen
Qanorooq-kkut nutaarsiassat	Mariia Simonsen	Paarnaq Hansen
Raadiukkut nutaarsiassat KNR	Mariia Simonsen	Paarnaq Hansen
Sermitsiaq	Naja Paulsen	Paarnaq Hansen
AG	Paarnaq Hansen	Naimah Hussain

Paasissutissat katersukkat tamarmik inummit allamit uppersarneqartarput, tassa imaappoq nutaarsiassat tamarmik inunnit ikinnerpaamik marlunnit misissuivigineqarput.

**WACC**



WACC  
308 Main Street  
Toronto  
ON M4C 4X7  
Canada

**Tel:** +1 416 691 1999  
[gmmp@waccglobal.org](mailto:gmmp@waccglobal.org)  
[www.whomakesthenews.org](http://www.whomakesthenews.org)  
[@whomakesthenews](https://twitter.com/whomakesthenews)

Ilisimatusarfik  
Manuutoq 1  
3905 Nuussuaq, postboks 1061  
Greenland

**Tel:** +299 385600

[mail@uni.gl](mailto:mail@uni.gl)  
[www.uni.gl](http://www.uni.gl)

@Ilisimatusarfik

